

四庫全書

經部

欽定四庫全書

春秋屬辭卷十三

元趙汭撰

特筆以正名第六

特筆者所以正名分決嫌疑也筆削不足以盡義然後有變文若夫亂久禍極大分不明而又有非常之故焉則變文亦不足以盡義是故有特筆凡特筆皆謂有所是正者也夫變文雖曰有損益然猶史氏恒辭爾至於有所是正則非復恒辭矣衛君輒待孔子而為政子曰

必也正名乎而又推極名不正之害至於使民無所措手足此經世之先務也春秋世變極矣父子君臣之間人所難言者多矣豈史氏恒辭所能盡其分哉今考春秋凡辭旨卓異與史文弗類者皆人事之變恒辭不足以盡義而後聖人特筆是正之非史氏所及也然所是正者不過片言而三綱五常赫然復正故曰非聖人其孰能脩之莊周氏曰春秋以道名分蓋亦得其大意云

一諱會天王以王狩書

僖二十八年冬天王狩於河陽

傳曰是會也晉侯召王以諸侯見且使王狩仲尼曰以臣召君不可以訓故書曰天王狩於河陽蓋時田常禮不告諸侯借令因會而狩史法亦不得書此意當時必有所受但曰召曰使乃左氏深文以顯經義決非史策成言其仲尼曰云云者亦未必真得當時之語陳氏遂謂史曰晉侯召王以諸侯見則直以左氏釋經之言為魯史舊文矣不知策書有體與史氏

雜記不同借令直書亦不過曰天王會諸侯於河陽而已如汲冢竹書載周襄王會諸侯於河陽蓋追錄策書之語而損益之古史遺法猶可見也晉侯負其豐功偉烈不能朝王而致天子於會書曰王會諸侯則徒章上替未損下陵非尊王之道也改正之曰天王狩於河陽則天威赫然臨於下土有不可以彊弱論者而晉侯蓋世之功微矣上以尊天子下以全晉侯而貴王賤伯之意溢于辭表諸家發義甚多惟

穀梁傳曰諱會天王也蓋此經之逸義云

二嗣王在喪稱王配名卒稱子

昭二十二年夏劉子單子以王猛居於皇 秋劉子單子以王猛入於王城 冬十月王子猛卒

諸侯嗣子未葬稱名既葬稱子在喪之稱天子與諸侯不異此年冬書王子猛卒雖既葬而未及葬節故稱子稱名與諸侯在喪未葬之稱同此國史定法也則居皇入王城王下皆當稱子稱名今但稱名不稱

子與下文異者蓋所稱與羣王子無別特去其子字
乃夫子深意也景王穆后太子壽早夭猛與丐皆其
同母弟也王寵庶長子朝欲立之單旗劉狄欲立王
子猛王欲殺二子會王崩子朝作亂魯史書曰王室
亂而已諸侯未知孰為正也晉雖舉籍談荀躒之師
而不能正子朝之罪二十四年三月庚戌晉侯使士
景伯涖問周故士伯立於乾祭而問於介衆晉人乃
辭王子朝不納其使則前乎此晉人猶觀望兩間未

能辯其曲直也子朝在王城時謂之西王敬王居狄
泉時謂之東王則雖周人亦未知適從也而況於天
下後世乎夫子以王猛實宜立者而其在喪之稱疑
於羣王子與後書王子朝無異辭故於二簡特去子
而稱王猛則猛當為王朝實為逆不待加一辭矣卒
仍舊史者存周制以顯筆削之微權也

三嗣君出奔復歸稱世子

桓十五年夏鄭世子忽復歸于鄭

桓十一年鄭莊卒九月書突歸於鄭鄭忽出奔衛突以爭國去屬忽以去位不得稱子此史法也忽嘗有惡於魯魯桓終始右突則忽之復歸非魯入意也魯史必不能正忽以世子之名夫世子者天子未嗣位之稱也忽君鄭五月而後出於史法亦不得稱世子其復歸以世子稱非魯史舊文明矣夫忽與突適庶之分素定始於出奔終於見弑鄭亂幾二十年則由祭仲畏難以立突宋魯二君同惡相濟使人倫不明

以至於斯故夫子超越史氏恒法舉其世國本稱則
突與祭仲宋魯之罪亦不辯而明矣不得稱爵者忽
未踰年出奔未嘗正君位也蒯聵出入皆稱世子蓋
史舊文夫子因之以正名實與此相發而不以入例
者非特筆也

四所納應立雖未在位稱子

莊九年夏公伐齊納子糾 九月齊人取子糾殺之
凡嗣君未踰年稱子者以其即柩前之位也子糾為

魯所納未入國而小白已自莒先入立葬襄公矣戰
敗魯師乃來脅殺子糾子糾未嘗一日立在喪之位
乃得稱子何也凡爭國公子或稱納或稱歸或入或
出皆去屬不以正不正若糾與捷菑突忽羈赤小白
陽生之類皆是則史固不得異文何獨於糾之納與
殺而以嗣君在喪之號稱之此春秋特筆也案史記
子糾母魯女也小白母衛女也魯女班當在衛女上
則糾貴應立然以才則小白賢以黨則小白有國高

為內主論其事則子糾見殺而小白成一匡天下之
功苟後世但以小白為賢為有功而不知糾貴之應
立則自賢者必醜正恃功者可奪適斯有國者禍亂
之原也春秋正誼不謀利明道不計功是故於納稱
子明其應立以別於外納不正而後書者於殺稱子
同於在位以別於兩下相殺而不書者則糾與小白
正不正之分不辯而明矣二傳皆作伐齊納糾孔穎
達曰今左氏定本糾上有子字蓋唐初學者校定春

秋古經以正二傳之失

五以庶孽易適嗣未踰年見弑稱殺其君之子
僖九年冬晉里克殺其君之子奚齊

記曰君薨大子號稱子待猶君也故遇弑雖未踰年
稱君此國史定法若齊公子商人弑其君舍是也史
於里克殺奚齊當書弑其君與齊舍同而乃書殺其
君之子與恒辭異者里克弑逆之罪易見而獻公首
惡之名難知故孔子特筆是正之上以明申生無罪

見殺之由下為萬世匹適之戒見里克之不臣由獻公之不父也學者以晉侯殺其世子申生晉里克殺其君之子奚齊比而觀之則春秋之教明矣趙伯循曰奚齊以本不正故曰君之子明國人不以為嗣獨君意立之此說為得經意在喪遇弑稱君例見辭從主人篇中

六妾母繼室卒稱君氏

隱三年夏四月辛卯君氏卒

君氏者隱公之母聲子也聲子者惠公夫人孟子之
娣姪古者諸侯不再娶元妃卒則次妃攝治內事謂
之繼室故孟子卒聲子繼室生隱公而惠公復違禮
再取仲子為夫人生桓公惠公薨桓公幼隱公追成
父志立桓為太子而已攝君位以夫人禮成仲子之
喪則聲子猶娣姪而已娣姪之喪史不書於策於是
以吾君之喪其母史不可不書也史法苟適夫人喪
不用夫人禮則亦書曰某氏卒而無異稱如妣氏孟

子是也而聲子獨稱君氏故說者疑之公羊穀梁作尹氏以為天子之大夫也然史法天子大夫卒當書氏書名如劉卷是也若曰尹氏卒則是舉族皆死之文矣古史謹嚴又經聖人修定寧有此等書法哉然而聲子特稱君氏文獨卓異者實夫子特筆也仲子以再娶稱夫人而聲子書子氏卒既無以異於衆婦姪且嫌於適夫人之不成喪者而名實亂矣禮妾為女君之黨服攝女君則不為女君之黨服此攝女君

之明文也。聲子以攝女君之貴，則異乎衆娣姪經於女君稱小君，則攝女君得稱君氏。故特書君氏卒，以明聲子繼室之為正。惠公再取之，非禮立桓為大子，已攝君位，以夫人禮成仲子之喪。隱公之處事變庶幾無憾，而桓卒弑，隱則桓惡大矣。此脩春秋之意也。

七王人救列國兼稱字

莊六年春王正月王人子突救衛

魯史之法，非卿稱人，筆削之義，諸侯與大夫略其恒。

稱則稱人皆未有稱人而又稱字者此王人兼稱字
乃特筆也衛侯朔讚殺二公子而立又得罪於天子
天子命立黔牟而出朔齊襄乃合魯宋陳蔡抗王命
以伐衛而納之其事甚逆於是王人救衛救黔牟也
夫子以救衛稱王人前與諱四國之君無異而後與
諱王子虎之文同朔之罪既不見於經惟王人之救
可證出朔立君為天子之意若復從其恒稱則是非
不白故王人雖非卿特字以尊異之見王人救衛為

正則朔與諸侯之罪明矣

八諸侯滅吾同宗之國稱名

僖二十五年春王正月丙午衛侯燬滅邢

春秋之法諸侯不生名有二君則名之卒名之其書
滅國君將除楚子外惟衛侯滅邢齊侯滅萊二事而
衛侯特稱名二傳皆有滅同姓名之說則異姓豈可
滅乎故學者不能無疑於此黃先生曰凡將邢茅胙
祭皆周公之胤成王以周公有大勲勞於天下既封

伯禽於魯又封其支子六人所以荅周公之勲至春秋時往往為大國吞併今邢又為衛滅矣邢與魯同出周公則邢之存亡於魯甚相關衛既忍於滅周公之後而魯不能為之請於天子請於大國請於衛以復存其社稷故書曰衛侯燬滅邢雖罪衛侯而實繫於魯也法案禮為同姓臨於宗廟同宗臨於祖廟二傳知衛與邢為同姓而不知魯與邢為同宗知衛滅同姓為伐本而不知魯不救同宗為無親春秋滅國

復興者多矣豈齊桓能存亡國而晉文獨不能哉當
衛侯鄭之再執也魯之君臣以同姓故且為納王於
王與晉侯而請歸之使念其同大祖之國而以存亡
繼絕為請晉文方有討於衛宜無不從者魯人不知
出此此邢之所以滅而不復興也故聖人特名衛侯以
示親親之道當知所先後蓋一本之教也若滅同姓
之有罪則不待異其文而後見矣

九宋昭公之大夫特書官

文八年冬宋殺其大夫司馬 宋司城來奔 十五年
三月宋司馬華孫來盟

諸侯大夫稱名氏殺則稱其大夫未有不名而以官
稱者而宋昭公之大夫既不名且獨稱其官此春秋
之特筆也春秋以弑君書者二十四未有上通君祖
母下結六卿公族以及國人盡殺大夫之忠於君者
而使其黨為卿以卒成其篡弑如公子鮑者亦未有
以世適嗣位外會諸侯內奉宗廟前亂臣而後賊子

徒擁虛器十年而坐受篡奪如宋昭公者是故昭公
之大夫皆書其官不書其官則見殺而不名者嫌於
曹大夫出奔而不名者嫌於反國之蔡季來盟不稱
使且不名者嫌於齊高子矣夫公子鮑之弑械動於
昭公未即位之前而卒成於十年之久使非有貴戚
彊家囊橐其門則鮑雖姦褻夫人雖惡昭公安能拱
手就戮於一婦人邪屬辭比事而求之則宋人殺其
大夫司馬而使華孫代之且來盟然後弑其君則知

身為世卿外結援隣國內假手於襄夫人以成鮑之篡者華氏之族也華元司寇華御事之子也而代公子成為右師此蓋鮑與夫人所位置者而昭公豈能用之如華元者固知晉大夫可以貨取而盟主為不足忌於是使華耦來盟於魯既而晉衛陳鄭伐宋討弑君者而魯不與晉人受賂立文公而還華元卒相宋公皆華氏之始謀也夫子於此蓋深致意焉是故特書其官然公孫固大司馬也不書官者昭公未即

位官非其官也公子卬始代樂豫為司馬既而亦為大司馬乃以舊官書者宋大司馬僭王官不可書也子哀不書官者其為卿與晉卻缺趙穿同杜氏所謂散位從卿者也自左氏舍所錄之事而妄解書法學者但知其例之不通而不知其事之可據蓋其事可據者皆列國史志之成言而所以為例者乃左氏之陋見也為其學者往往自不能深考而獨宋昭公無道見弑之說至今猶誦於口而筆於書未有辨其誣

者然則春秋特筆之義其可不明乎

十諸侯會圍邕繫國戍邕繫國圍其父所居邕

雖外大夫主兵不繫國

襄元年春仲孫蔑會晉欒黶宋華元衛甯殖曹人莒人邾人滕人薛人圍宋彭城 十年冬戍鄭虎牢

哀三年春齊國夏衛石曼姑帥師圍戚

襄二年會於戚遂城虎牢不繫鄭者伯主之令以內
辭書史恒辭也楚取宋邑以居宋之叛者故晉為宋

合諸侯之師以討之晉降彭城而歸諸宋宜也

據襄二十

六年傳文

故圍雖有宋人猶繫彭城於宋明諸侯分地有

制非惟楚不當取晉亦不可受也晉取虎牢以偪鄭者九年矣而鄭不服於是又命諸侯伐之雖以伯令書猶繫虎牢於鄭者明鄭服則歸之而非取其地也蒯聵在戚而國夏曼姑圍戚齊人助子圉父也故雖有齊卿主兵而不繫戚於衛以蒯聵居戚故也戚不繫衛則輒不當有國父不可圍而齊人黨逆之罪重

矣春秋有相易以成其義者謂此類也自夫子為正
名之論當時高弟如子路猶不能無疑修春秋時蒯
聵猶在戚也蓋靈公嘗欲立郢而卒不立者知蒯聵
在晉晉人必將納之郢雖立猶不立也而衛人立輒
以拒父衛為無父之國矣是故蒯聵出入皆稱世子
而圍戚不繫衛以鄭世子忽宋彭城鄭虎牢三特筆
比而觀之春秋之法明矣

十一諸侯敵王命敗績稱人

莊二十八年春王三月甲寅齊人伐衛衛人及齊人戰

衛人敗績

敗者稱師衛何以不稱師此穀梁發義也而所釋未
是趙伯循曰敗稱人罪衛之不服王命故異其文得
經旨矣蓋非師不言敗者史文也衛有立子頹之罪
齊桓以王命討之而衛人敢於拒戰嫌與敵國同文
故變師言人明不當較也史本無日伐之例惟日戰
是其恒法此舉戰之日加之伐之上日其伐以尊王

命明與他伐國者不同而不日其戰以罪衛人明非以主及客者可例論也

三師及齊師戰書公圍成

昭二十六年夏公圍成

傳曰齊侯使公子鉏帥師從公齊師圍成師及齊師戰於炊鼻此史文之實錄也齊侯納公而不盡力季孫據國以拒君言之可謂詳矣聖經外略齊師內諱及戰特書公圍成雖若為國諱恥而尊尊之義愈至

其所以示君臣之教嚴矣

十三城成周晉人執宋大夫以歸書執於京師

定元年春王三月晉人執宋仲幾於京師

合十國大夫城成周於無伯之世晉人可謂有功王室然尋盟狄泉魏舒干位以莅政是僭王官也執宋大夫不請於天子而以歸是京師晉也傳言正月晉人執宋仲幾以歸三月歸於京師此策書實錄之文而經不然者周室東遷而後下陵上替已久鄭莊公

言天既厭周德晉女叔寬以萇弘謀王室為違天邪
說誣民非一日矣然天子一命城成周而諸侯大夫
奔走恐後則人心猶不忘周也執大夫以歸知其不
可而卒歸諸京師則猶有所畏也夫人心在周則天
命未絕於周矣故既削狄泉之盟黜魏舒不序而沒
晉人執大夫以歸之文但書城成周晉人執宋仲幾
於京師而月以異之上以尊王室下以全諸侯城成
周之功而宋大夫不受功晉人專執其罪皆不可掩

此聖人知天命為東周之微意作春秋之本義也

西鄭伯之弟段出奔書鄭伯克段

隱元年夏五月鄭伯克段於鄆

案傳曰段入於鄆公伐諸鄆五月辛丑大叔出奔共
準魯史恒法當書鄭伯之弟段出奔共若秦伯之弟
鍼出奔晉之比其諸侯自攻叛邑魯史不書若藥盈
奔曲沃晉人圍之晉人克藥盈于曲沃盡殺藥氏之
族但書晉人殺藥盈是也孔子以段大都耦國完聚

圖逆鄭伯處心積慮志在於殺皆非一日與秦鍼陳
黃宋辰不同不可一例書故特書鄭伯克段於鄆則
段之罪固無所逃鄭伯之情亦不可掩矣左氏謂如
二君故曰克稱鄭伯譏失教也此為得之謂段不弟
故不言弟則未盡時段形迹已具故去屬比篡公子
爾杜氏亦謂此夫子改舊史以明義但指傳中所稱
書不書故書書曰之類皆為孔子變例則左氏學者
之陋爾

五紀侯出奔書去國

莊四年夏紀侯大去其國

此紀侯出奔也不書出奔者筆削之法被兵而出不書若許莊公莒共公楚昭王是也必國滅不死社稷而後書若譚子弦子溫子徐子是也夫被兵而出者內有忠力之臣外有大國之救敵去國存猶可復歸紀侯迫於彊齊請援於隣國歸女於京師而猶不得免焉已不能下齊以國與季無復歸之望不得與被

兵出奔者比矣國滅不死位者勢窮力屈宗廟既夷社稷既墟不能效死而猶脫身以逃者也紀侯不忍殘民以爭必亡之國又不忍五廟之不祀故使季以紀事齊而已獨委國去之亦與國滅不死社稷者不同是故不書出奔而特異其文書去其國其所寓之國不足志矣古之君子不以其所養人者害人孟子曰民為貴社稷次之君為輕紀侯其知此矣故聖人特筆以明之大者紀侯之名從史文也

十六鄭高克出奔師潰書鄭棄其師

閔二年十二月鄭棄其師

傳曰鄭人惡高克使帥師次於河上久而弗召師潰而歸高克奔陳鄭人爲之賦清人詩清人序曰高克好利而不顧其君文公欲遠之不能公子素惡高克之進不以禮文公退之不以道危國亡師之本故作是詩也準魯史恒法不過書曰鄭高克出奔陳而已孔子以文公失馭臣之道誠有如詩人所譏者時政

不在大夫大夫出奔無與乎國之大故古者君行師從卿行旅從則師重於大夫故特書鄭棄其師而高克之奔不足志矣

亡楚君殺弑君者別稱人

宣十一年冬十月楚人殺陳夏徵舒丁亥楚子入陳納公孫寧儀行父於陳

傳曰楚子為陳夏氏亂故伐陳謂陳人無動將討於少西氏遂入陳殺夏徵舒此楚子入陳而後殺夏徵

舒之實也楚自君將稱君以來終春秋所書楚事皆所以治其罪也而入陳殺陳夏徵舒滅陳殺陳孔奭文與事皆相似楚虔蔡般皆嘗弑君者而虔誘般殺之以滅蔡一是討弑君者而存其國一是身負大惡而假討賊之名以滅人國皆不可無辯況討賊乃天下大義不可以楚故而不明故特書楚人殺陳夏徵舒於上以示義然後書丁亥楚子入陳納二卿從其恒辭以見實蓋討賊名義既正則與楚虔懷惡挾詐

者不同矣春秋於楚莊王事取節焉者以弑君賊必不可無討苟能討之而不為利雖蠻荆猶與之信大義於天下也是故入陳書日以別之黃先生曰齊晉為中國盟主俱有功於天下然皆包容弑君賊置而不問故聖人於楚子入陳一事先正其討賊之義然後書楚子入陳便與稱兵肆亂不同乃聖人與人為善止遏亂略處此書法所以為妙也


十戰稱楚人敗稱楚師書入郢

定四年冬十一月庚午蔡侯以吳子及楚人戰於柏舉
楚師敗績庚辰吳入郢

凡入國曰國入邑曰邑未有入國而言邑者此入國
矣而言邑何也中國諸侯皆王者所封無自號其國
者自號其國者皆僭竊也是故赤狄嘗自號其國曰
潞以歸稱潞子得從其自號以配爵滅稱赤狄潞氏
不得從其自號以名國故滅不言潞言滅潞則與三
代建國無辯矣此史氏之法也戰稱楚人敗稱楚師

入稱郢特筆之義蓋取諸此楚之先熊繹事周至成
王始以子男田封諸荆山入春秋至莊公末年猶稱
荆僖元年伐鄭始稱楚蓋荆其本號楚乃僭王後所
自改之號也春秋書楚事凡所以謹內外之辯者無
不致其嚴矣惟始終稱楚無異辭蓋非入滅皆得以
號舉也於是蔡侯以吳子戰敗楚師書入郢而不言
入楚以其叛周自立僭天子大號以爭諸侯不得與
三代建國無事見入者同文也是故吳得稱子楚囊

瓦書人而入書日許蔡侯以復世讎而吳之入郢亦
不可與凌弱暴寡之師例論也



春秋屬辭卷十三

欽定四庫全書

經部

春秋屬辭卷十四

五

詳校官監察御史_臣查善長

給事中_臣溫常綬覆勘

總校官進士_臣朱鈴

校對官助教_臣胡子襄

謄錄監生_臣崔堂

欽定四庫全書

春秋屬辭卷十四

元 趙沅 撰

因日月以明類第七

春秋記事之例有三事以日決者繫日以月決者繫月
踰月則繫時此史氏之恒法自魯公以至定哀之間官
守相因不得有改者也東周王室衰微四裔僭號五等
邦君以彊弱易周班而伯者之興幾於改物其災祥禍
福之變禮樂政刑之亂必皆有非常之故焉史氏以其

三例者一以施之而是非得失混淆雖有彼善於此者亦無從見矣左氏傳釋大夫卒有不日之例則天子諸侯喪紀厚薄尤所當詳傳於魯史遺法有不能盡知而況於筆削之義乎蓋孔子之修春秋也凡策書之大體既以實錄而存其王伯之會中外之交父子君臣之間皆有筆有削以彰其義至於上下內外之無別天道人事之反常史之所書或文同而事異或事同而文異者則皆假日月以明其變決其疑大抵以日為詳者則以

不日為畧以月為詳者則以不月為畧其以日為恒者以不日為變以不日為恒者以日為變甚則以不月為異其以月為恒者以不月為變以不月為恒者以月為變甚則以日為異將使學者屬其辭比其事以求之則事之存乎筆削者既各以類明而日月之法又相為經緯以顯其文成其義凡灾祥禍福禮樂政刑盟誓戰爭天下之故一國之事一人之辭無微不顯而上為天子內為吾君外為諸侯為伯主又其外為外裔有天子之

大夫有吾大夫有外大夫又皆有弟兄姑姊妹之屬大夫又有未命者外裔亦有君臣其等衰勢分甚嚴善惡淺深奇變極亂皆以日月見之如示諸掌使文武周公之大經大法煥然復明非天下之至聖其孰能與於此左氏雖不知日月有義而所記之事與聖人之法若合符契公羊穀梁顯發斯例必有所受而隨事穿鑿不可推尋說春秋者遂諱言日月矣近世唯西疇崔氏經解本日月起義然屬比不精而類例多舛則其鮮合固宜

其他皆主杜氏史有詳畧經有關遺之說嘗竊疑之日
月為例史有定法文初不繁不當以人而變今經有一
歲之間而詳畧特異者不可復言其人不同名號國地
事物之文闕者至少何甲子之文闕者獨多是皆不通
之論也乃離經稽類因類為凡凡疑於例者以著例決
之然後筆削之旨備矣其間亦有因用舊法者既為聖
筆所書即成經義不當復別而言之然而學者苟不深
究筆削源流則失傳之旨無由可見故必新舊相發隱

顯互明而後其義自彰蓋一經之體皆然不盡釋也以其法貫乎全經與諸篇者不同故自為一篇而次於此

一著例

凡日事其法二曰有日有不日曰有日有不日有不月

謂事以日決
史本書日者

凡月事其法一曰有月有不月

謂事以月決
史本書月者

凡上有繫日之事而下有不日之事嫌於同日則書是

月以明月例

僖十六春王正月戊申隕石是月鷁退飛

下有同日之事嫌於

不日則再書其日以明日例

桓十十一月丙戌公會鄭伯盟丙戌衛侯卒以下

皆史法特序于此見春秋日月法其嚴如此明先儒史有詳畧之說不然

苟二役為一事則

蒙上事日

僖二十八盟于踐土與朝王所同日因會盟而有朝故別書朝而蒙上日

凡一月有二事俱合日而前事赴在後者則以往日附

來日

僖九九月戊辰諸侯盟甲子晉侯卒甲子在戊辰前四日杜氏曰書在盟後從赴

赴在後

月者則以其日繫後月

成九七月丙子齊侯卒杜氏曰丙子七月一日書七月從赴定

四王二月癸巳陳侯卒杜氏曰癸巳正月七日書二月從赴

二疑例

凡同月事有兩事皆合月者則以下事蒙上事月事不合月而上有合月之事則不得去上事之月事不合月而下有合月之事則為下事月苟二役為一事則不為

下事月

僖二十八年會于溫天王狩于河陽壬申公朝于王所壬申十月十日也有日無月見非會諸

侯則無朝故蒙上不月事

皆以著例見之

此以下皆筆削之旨

三變例

凡一役再有事嫌以日事敵上事則取下事之日加上

事

莊二十八春王三月甲寅齊人伐衛衛人及齊人戰史法曰戰而月伐經改正之不使衛人得敵王命

嫌以日事同下事則取下事加日事之上

宣十冬十月楚人殺陳

夏徵舒丁亥楚子入陳傳記楚子入陳後殺夏徵舒經改正之不以入陳累其討賊譏在上事則

取下事之

四例要

凡日為詳則不日為略

天子崩日嗣王卒不日天子葬以日為恒諸侯葬以月為恒詳

尊略卑內夫人葬日外夫人不日內女卒日王姬卒不

日詳內略外桓文之盟盛時則日餘皆不日詳重略輕

外裔滅國以君歸日自相滅不日詳內略外月為詳則不月為略

公侵月大夫侵不月

詳尊略卑執內大夫月外大夫不月外次伐我月凡次不月詳內略外王人救衛月凡救不月詳重略輕

凡日為詳不日為略則不月為彌略

內刺公子日外殺我所納之子不日

外殺大夫不月外裔為中國討罪日入中國不日自相入不月之類

凡不月為略月為詳則日為加詳

七月零不月八月九月零月一月再零皆

日外災不月亡國災月外災夫人卒則日之類

凡日為恒則不日為變

天王葬日不及禮不日諸侯夫人卒日國亡不日

不日

為恒則日為變

公即位不日不在正月則日諸侯大夫葬不日國亡則日之類

凡日為恒不日為變則以不月為異

燕嘗有事皆日用致夫人不日從祀

先公則不月公及外大夫盟日及王卿士不日及外大夫無君則不月諸侯卒日弔不以禮不日赴不以時則

不曰
之類

凡月為恒則不月為變

公狩月肆與警狩不月來盟月國君來盟不月之類

不月

為恒則月為變

盟主之會不月無成事則月之類

凡月為恒不月為變則以日為異

諸侯葬月不及禮不月僭禮則日內取所

爭邑月凡取邑不月一舉取二邑則日之類

凡日為重則不日為輕

新官灾日屋壞不日星變日鷗退飛月之類

不月為

輕則月為重

凡執國君不月遂失國則月大夫出奔不月必佚賊而後月之類

凡月為輕不月為重則以日為異

諸侯出奔月失國不月以臣出君則日諸

侯入歸月非出奔不月
弑君以納君則日之類

凡日為重不日為輕則以不月為異

外參盟日有微者不日外商之盟不

月之類準此推之

五灾祥類

凡日食在正朔者書日書朔

桓三莊二十五二十六三十僖五文十五及成以後

唯襄十五年不書朔餘皆書日書朔蓋周歷交朔之法於是始正公羊傳曰曰某月某日朔者食正朔也雖

在正朔而食於夜者書朔不書日

桓十七周人以夜半為朔故得言朔日未

出故不言日史記推合朔在夜明旦日食而出出而解是為夜食案穀梁傳以不言日不言朔為夜食言日不

言朔為晦食於理未當唯取
夜食之說以足公羊傳闕文
食在朔後者書日不書朔

隱三僖十二文元宣八宣十宣十七襄十五公羊傳失
之前者朔在前何氏謂二日食今案雖非正朔猶是此

月所統之
日故書日
食在朔前者日朔皆不書
莊十八僖十五公
羊傳曰失之後者

朔在後也何氏曰謂晦日食今
案日與月連故曰朔皆不書

凡星變日
莊七
隕石日
僖十
星孛月
文十四
久則不月
昭十

七

凡無冰時
三
雨水冰月
成十
霜異月
僖三十
雨雪月
桓八

大雨雪不月
僖十
大雨電不月
三在時首書其
大雨震電

繼以大雨雪俱日震廟日

各一

凡火災日

內災六

大室屋壞不日

非天災

凡外災不月

莊二十
襄九

雖成周不月

宣十
六

唯已滅之國月

九昭外災夫人卒然後日

襄三
十

四國同日災日

昭十
八

凡地震日

自文至
哀五

山崩不月

成五
梁山

唯沙鹿崩日

僖十四
公羊傳

曰沙鹿者河上之邑也崩襲邑也何氏曰襲者臨入于地中今案左氏不言沙鹿是山但記卜偃曰期年將有大咎幾亡國則沙鹿崩比山崩尤重可知蓋地陷也

凡一時不雨書時

莊三
十一

踰時不雨書首月

僖二僖三再
書皆以告廟

故

不雨而雨書月

傳三亦以告廟故且見至是月方雨

踰三時不雨書自

某月不雨至于某月

文二文十三

凡無麥苗無麥禾旱

二饑

有年大有年皆時

史本無月法

大水時

八

凡有蜚有蠹多麋鸛鵒來巢皆時

各一見史本無月法

獲麟時

時田

本不鵬退飛月

凡螽蟬月

螽七蟬二

唯秋初不月

螽三蟬一據經無書七月螽者凡秋螽不月皆七月

也螽始出則為灾灾不止此一月故不月

蟪生不月

宣十五蟪成螽乃為灾灾不在此月故不月穀

梁傳曰甚則月不甚則時其義未盡

六郊廟類

凡郊日

成十七定十五哀元

不郊猶三望不日

倍三十一宣三成七

凡卜郊不從月

倍三十一成十襄七十一

牛傷月

宣三成七定十五哀元

凡雩過祀節未遠者不月

七據經不書七月雩定七年秋書三事繫時方書大雩又

書一事乃書九月大雩知凡雩繫時者皆七月傳曰龍見而雩謂建巳之月為嘉穀祈甘雨周七月過雩月未

遠故不月以別過時之甚者

遠者月

八月四月九月七

一月再雩皆日

昭二十五據書

七月雩止此一處蓋譏在又雩

過甚者則又不月

昭七年冬大雩

凡日食大水用牲于社各隨本事不入例

凡烝嘗日

桓八再烝
桓十四嘗

大事有事吉禘皆日

文二因大事
而躋僖公宣

昭十五有禘
事閔二吉禘猶繹日

宣八用致夫人不日

僖八禘于大廟
夫人已絕而祔

考宮非適不日

隱五仲子

從祀由陪臣則又不月

定八陽
虎所為

凡作主日

文二

立武官日

成六

立煬宮由叛臣則不日

定元
季孫

出君嘗有
禘于煬宮

凡丹楹刻桷皆不月

刻桷為
下葬月

取部大鼎納于大廟日

桓二

崇督
之賂

七 婚姻類

凡逆女不月

卿為君逆三
微者逆一

雖公親迎不月

莊二
十四

必國君

送公會之而後月

桓三

凡夫人至不日

三

必書入然後日

莊二
十四

大夫宗婦覲用

幣日

莊二
十四

凡子生日

桓六

凡逆后不月

襄十
五

雖我主之不月

桓六

凡來逆女月

隱二

內女來逆婦求婦皆不月

各一杞伯
姬著例

凡女歸月

四來寧而歸一

娣不與適俱行月雖國亡歸其邑月

紀叔姬

來媵不月三

凡外女歸京師

桓九

送王姬

莊元

王姬歸

莊元

雖我主之皆

不月

略於王史異內女

凡大夫來逆妻不月

莊二十七莒慶宣五齊高固為下事月

八喪紀類

凡天王崩日

凡至尊當謹崩日弔禮不備以求賻求金見義

嗣王未踰年卒弔不

備禮不日

王子猛卒亂未弔諸侯弔不以禮可知

王姬卒雖魯主昏不日

外夫人禮
殺於內女

凡公薨日

十一

嗣子未踰年卒日

侍猶君
詳內事

雖諱弑猶日

子般

必子弑母出而後不日

子惡特
異其事

凡夫人薨日

五

不稱夫人亦日

孟子定
如尊同

妾母稱夫人日

五 不稱夫人亦日

君氏
親同

凡外諸侯卒日弔不備禮不日苟赴不以時則又不月

禮雜記凡諸侯弔者有介有舍者有禭者上介贈執圭
將命上客臨自稱一介老某必大夫也亦有既葬而弔
者檀弓言滕成公之喪魯使子服敬叔弔進書則君有
弔書其禮如此而當時小大之國貧富懸絕交際不同

宜多不備今考之經齊君書卒者九皆曰晉君書卒者十書曰者九不月者一楚君書卒者六皆曰可見魯事盟主及大國弔贈之禮無敢不備其不月者晉侯夷吾踰年而後告喪史即告時書之自不容有月然文公既非喪主則弔禮必不用常制矣宋公書卒者九不日者二衛侯書卒者九皆曰陳侯書卒者十不日者一蔡侯書卒者六不日者一不月者一鄭伯書卒者十皆曰可見魯於齊等之國往來有常則弔贈無不備禮者其不日者皆有故也其不月者蔡服於楚齊桓自侵蔡蔡潰之後問不及蔡故赴不以時而魯亦不弔也苟非其國有他變則魯亦安敢無故殺禮以犯不韙乎其於小國事體又異曹君書卒者十一書曰者二必吾君嘗親受其朝者其來朝而不月者卒于師也檀弓記曹宣公卒于會諸侯請舍使之襲則凡卒于會者不復以禮赴諸侯諸侯亦不得備禮以弔可知故卒于師卒于會皆不月滕君書卒者七不日者二其先皆不名則往來者素

薄又降而稱子則玉帛之將者微雖來朝不得與會比
自來奔喪後乃遣卿會其葬而卒無不日葬無不會則
亦視施為報也杞書卒者七不日者二成與文魯人皆
以私怒降其爵其薄於弔贈無足疑者不月者一悼卒
于會薛書卒者四無朝魯者而書日一則意如出君後
致恭於宗之屬國也邾書卒者七不書日者三邾雖後
封而彊次曹皆世有魯怨五世不會其葬則不日者其
常也秦君書卒者六不日者二往來之禮薄也不月者
三赴不以時也許書卒者五不月者三穆卒于師元國
滅復封赴不以時也許書卒者五不月者三穆卒于師元國
君書日卒一魯宋當盟
于其國也詳見第一篇

凡內女為諸侯夫人卒日

來歸卒日

子叔姬
杞叔姬

許嫁卒

日姬唯國亡不日

紀侯將去國伯姬喪不成叔姬
弔葬如夫人禮魯人以義起

凡夫人卒日

二十

公不與小斂則不日

四隱元年傳曰
衆父卒公不與

小斂故不書日杜氏曰禮卿佐之喪小斂大斂君皆親臨之崇恩厚也始死情之所篤禮之所崇故以小斂爲文至於但臨大斂及不臨喪亦同不書日今案大夫卒不日者四公子益師無駭挾叔孫得臣也公實不臨喪而書日者六公子牙實殺書卒公孫敖仲遂公孫嬰齊卒于外叔孫婼叔倪卒時公在外皆勢不得臨非君恩薄故書日如常法左氏所發春秋日月例唯此一事然先儒解從其說者今以全經筆削之旨考之知此法實魯史舊章但左氏考之不詳至聖人修春秋凡所書之事皆以日月爲例而權其輕重則又非史法之所能及矣其崩薨卒莫例與此同出魯史無可疑者蓋弔其失禮乃史氏所當謹也唯事有異常史法不足以盡其變則非聖人莫能修孔子蓋曰其義則某竊取之矣

凡王卿士卒不日

弔贈禮薄王臣不外交唯二子以義起

凡葬我君曰九小君曰五

不成喪亦曰

夫人

妾母稱小

君曰

四詳內事

凡葬天王曰

王

不及禮不日

四禮天子七月而葬五重八娶正棺引寔執紼各千

人明器衣服遣車牢具凡後稱是故天王葬得禮則日不及禮不日從周之義也今考經唯襄王合葬節亦唯襄王書曰桓王七年而葬匡王四月簡王五月景王三月其不能葬至七年則莫速者禮薄可知襄王當晉文襄之世王室稍振獨能備禮也

凡葬諸侯月苟不及禮則不月必厚葬踰禮而後日

禮諸

侯五月而葬三重六娶上公四重執紼五百人遣車七
乘明器凡役稱是不可更過矣左氏內外傳皆載晉文
公請隧事宋葬文公用蜃炭益車馬重器備樽有四阿
棺有翰檜雖華元樂舉有不臣之譏然檀弓記宋襄公
葬其夫人醯醢百甕則厚葬之弊有自來矣然大國
多故而小國削弱則亦有不及禮者如有若言晏子遣
車一乘及墓而反譏其不留賓客有事則諸侯之儉者
亦此類也今考經葬九君書曰者四皆孝公以前侈
盛之時不月者一則公子光之不子也晉葬六君唯文
公書曰宋其六君書曰三其一為與夷葬穆公其二皆
華元為之衛葬八君書曰者二穆變禮襄錫命皆臣子
之意其一不月則繼絕之文公也蔡葬七君書曰者一
蔡季歸國而厚於先君舍是十一君葬無書曰者矣陳
葬八君皆不曰不月者三鄭葬七君皆不曰不月者三
秦葬三君皆不曰不月者一陳國貧秦鄭爵卑故皆無
備禮其不月者則有故也自餘小國多不月則不月者

為禮不備明矣春秋於其踰禮則存其日比諸天子以明其僭其不及禮者則不月以見其薄唯得常者則月之蓋天子以日為常則諸侯以月為常等哀之義也崔氏曰凡大國次國之葬例月其越禮而葬者僭也故加日以見之其不及禮而葬者僭也故去月以見之傳稱崇華元樂舉厚葬文公今宋文之葬實日衛文侯之儉也今衛文之葬實不月以類考之可知矣古人以送死可當大事故春秋以葬禮為重於其有過不及者皆明著以見譏焉是以大國之僭禮者多而次國之僭禮者少次國不及禮者多而大國之不及禮者少蓋唯天子無僭而小國無僭爾案崔氏日月例唯此與魯桓盟會得之故特詳考經傳以申其說

凡葬畿內諸侯不月

劉文公王卿士也當時天子且不備禮則王臣之葬禮薄可知

凡內女為諸侯夫人葬不日

宋共姬

唯國亡則日

紀伯姬紀叔姬

外葬以月為常則以日見異姑姊妹之喪公為之服故卒從內辭實外夫人故葬從諸侯之例

九禍福類

凡公即位不日七即位不在正月則日

定公日食必在月朔史猶書日

公即位大事也雖必在正月朔日史法亦當書日以謹始今皆不日者蓋筆削之旨略常以明變昭定之間踰年無君國家之大變也

凡天王居與入皆月

昭二十三年秋七月天王居狄泉上下有同月事又書八月地震以下

冬十月入成周例之知二事皆月

未成尊則不月

崔氏不知此義遂苟疑王猛非正謬甚

出居則不月

襄王蒙塵與敬王復辟異

凡公孫日

一同以臣出君例

夫人孫不日

二婦人非罪不出奔

凡公孫反行書至書居月一自所居邑行書至書居不

月

四皆昭公天王居與出居皆以內辭書與此同

凡內女為夫人來不月

杞伯姬三一朝其子求婦別見

雖來歸不月

伯

姬苟非以罪出則月

杞叔姬不安於杞杞伯來朝而告絕既卒又逆其喪以歸非罪出故

特月明與邾伯姬異可決學者千載之疑

凡諸侯出奔不日

出奔三來奔二同僖二

必以臣出君

而後日

襄十四衛侯

苟遂失國則又不月

紀侯大北燕伯款蔡侯朱莒庚與

未成君不月

鄭忽實羈
官辰與

凡諸侯入不日

入國一衛侯朔入邑二鄭伯突衛侯衛侯蒙上事月復歸不日衛侯

鄭必弑君以納君而後日

襄二十六年
衛侯衍

苟非出奔則又不

月

復歸一僖二十八曹伯襄歸二僖三十
衛侯鄭成十六曹伯皆以見執得歸

未成君不月

桓十五鄭世子忽傳
六月乙亥昭公入

歸而繼絕不月

昭十三蔡侯
廬陳侯吳

凡公子以篡歸不月

二曹亦
著例

入不月

二齊小白著例案
獲麟後衛世子蒯

賁自戚入
于衛書日入而繼絕不月

許叔

凡內大夫出奔日

三苟有關於一國之大故則不日

三慶父之亂闕
弑僖出歸父謀

去三桓公虎不遂三家之勢所以成公子慙寡謀妄動昭公之所以終於出也與禍福在一己者不同故異之

凡外大夫公子出奔不月

三十三著例十九

來奔不月

十一著例八

雖王卿士不月

成十二周公

必佚賊而後月

王子瑕尹氏毛名子朝宋萬

作亂而出則月

昭二十宗華亥向寧華定義同佚賊案獲麟後宋向魋以叛出衛子還成以伐

公不果出皆書月陳轅買衛公孟軻出不書月此或舊法叛而出又不月

昭二十二華亥向寧

華定內因二司馬入國以叛外有吳楚之助諸侯救宋者段楚而出之治不止佚賊

凡內大夫來歸

孝子

外大夫歸

五三著例

復歸

元嘔著例

入

良霄樂大心

復入

魚石樂盈著例

皆不月雖入以叛不月

八國一邑四

必歸弑君

而後月

楚公
子比

凡執國君不月

入著例三
歸亦不月

雖三公不月

虞公

遂失國則月

僖十九宋人執滕
子嬰齊以失國名

執外裔之君雖失國不月

昭四楚人
執徐子

凡執大夫不月

八著
例六

雖王卿士不月

可決單伯
非內大夫

唯執吾

大夫則月

三季孫行
父著例

執大夫于京師則月

宋仲
幾

執大夫

使廢立則月

鄭祭
月

凡臣弑君日

九

以篡首惡不日

楚公
子比

弑未踰年君不日

齊舍別
成君

苟庶孽見弑則不月

晉卓
齊荅

不稱君不月

晉奚

凡稱國以弑日非當國者稱國不日

晉樂書中行偃皆正卿皆僕吳光事

與之異○薛弑其君不月無可考

凡稱人以弑日非微者稱人不日

齊郕鄆閭職實微者皆莒實非微者

凡世子弑君日所由來者異不日

蔡侯淫而不父與楚子願許悼公不同

凡閹弑不日

賤刑人

非盜而稱盜則日

蔡公孫廟以盜赴

凡外戕他國君不日

宣十八節子

誘而殺之日

蔡侯般殺梁傅曰外裔之

君誘中國之君而殺之稱時稱月稱日謹之也案日必有所繫時月不必合時月取義

執而用之

日傳十九節子

節子

凡內刺公子日

公子偃

苟以說大國則又不月

公子買

凡外殺大夫公子不月

三十

雖殺當弑君者不月

里克

相殺不月

宣十五年王札子昭八陳招昭十三楚棄疾文六晉殺陽處父昭十四皆殺意恢

盜

殺不月

襄十鄭昭二十衛哀十三陳

雖殺世子不月

晉申生

殺其弟

雖天王不月

倭父

必殺我所納應立之子而後月

子放

夫不月

二

凡外殺篡立者不月

齊無知陳佗

殺叛者不月

鄭良霄

必討賊若衛人而後月

州吁

凡外商相誘殺不月

楚子殺戎蠻子

殺他國大夫不月

三皆為上事月

必討賊若殺陳夏徵舒而後月

特書討賊繫月於八陳之上比衛人殺州吁以

與之

十朝聘類

凡公朝王日

二

諸侯來朝不月

三十六者例二十二以小事大以弱服強非邦

交舊典故去月以為恒畧言之也其為下事月者不與例違

外商來不月

介葛盧白狄觀魯公

外如諸侯來朝與外商來同不月之法則經意可見矣

內女使其夫來朝則月

節畿子

內諸侯來則月

祭伯州公王臣無外交皆異其事

凡公如不月十雖以事往稱其事不月三皆必如京師

而後月異於列國必如楚而後月二異於中國苟如以四時首月

則書其月八非王事不敢廢王正與時首兼存史法見本書月宣九襄八定三著例

凡公如而至不月十必嘗見止而後月成十一必奔

諸侯喪而後月宣十必自楚而後月宣二十七苟

至以四時首月則書其月文十四昭五其餘皆為下事月

凡會而至不月二十六會必嘗見止而後月僖十以師行

至不月伐十三侵三圍二救一必會外裔伐中國而後

月哀苟至以四時首月則書其月至會三至伐二

凡夫人如不月四其合禮而至則月文九夫人如不月與公同而至則月

與公異雖歸寧得禮亦謹其至男女之別也苟如以王月則書其月莊二十不致廢

王月略於君婦人無外事

凡大夫如不月如京師四如陳二如宋五如衛一如魯一如齊十七如晉二十五如楚一如莒一如莒

一如雖以事往稱其事不月其執而至亦不月降於君據大夫

如多特繫時又文六年秋襄七年秋二如皆下書八月九年夏下書五月知本不書月其昭二十三王正月叔

孫姑如晉為下日卒月餘皆為下事月

凡諸侯相如不月

齊侯鄭伯如曹紀州公如曹

雖以事來稱其事不月

奔喪會葬為葬月

苟來獻捷則月

失伯主之道故齊人歸俘不月楚使獻捷不月可決此為

齊侯親來

來逆出妻之喪則月

成九杞伯

凡列國來聘不月

陳一齊五晉十一宋四衛四鄭一秦一荆楚二吳一

雖以事來

稱其事不月

二及妻來一稱人來六

不言其事不月

齊仲孫

必來歸

其助祭之邑而後月

歸祔

必來歸所執吾女而後月

齊子叔姬

必楚以聘報朝而後月

襄三十嬖與伯國同

凡王使來聘歸賑會葬不月

周官舊典

錫命

三一著例

歸贈歸含

會葬妾母來求

求車

皆月

私恩失禮

來求非王命則又不月

諒二

聞譏不
在天子

王臣私交不月

祭叔

土盟會類

凡內離盟日

隱六父文十七
殺定十二黃

雖與伯國盟日

莊二十三
扈文三十

三襄三皆
及晉侯

唯宜盟則不日

隱元于茂
閔元後姑

苟無成事雖會伯

主盟不月

莊十三于
柯魯背盟

凡內參盟雖有大夫日

僖二十五洮
二十六向

苟無成事則又不

月

昭二十六郭陵
謀納公不克

凡外離盟有關於諸侯之合散不月

隱三石門為下事月定七于鹹于沙

定八曲濮唯隱
二于寂闕文

凡外參盟日

隱八瓦屋

有微者不日

僖十九曹南

君稱同微者不

日

桓十一
惡曹

凡桓文之盟不日

桓幽賈

雖公會不日

桓幽母洸牡丘首止寧

內諱

公而外稱人不日

文程泉

唯其盛時則日

桓葵丘文踐土

凡晉主夏盟恒日

會諸侯十一大夫主諸侯一諸侯會而大夫盟三

唯畧不序

諸侯不日

二

盟不足以服貳不日

成九蒲

盟而後執諸侯

不日

襄十九
祝柯

晉不主盟不日

定四
舉鮑

大夫會之不日

文二
垂隴

成十八
虛打

苟大夫會大夫稱人則又不月

宣十二
清丘諸
侯不序不日則

大夫稱
人宜降

凡公及外微者盟日

隱八
浮來

及大夫雖諱公猶日

齊高侯
晉處父

荀庚卻犇衛孫
良夫宗向戌

唯及王卿士不日

文十
蘇子

苟不諱公而無

成事則又不月

莊九
于說

凡大夫與外大夫盟日

二

雖會微者盟日

襄二
十向

苟內外

皆微者則不日

隱元
宿

凡內大夫特盟諸侯不月三自參以上不日桓十必見一折

伐以賄盟然後日文十六必伐其國要之盟然後日哀二

邾荀以遂事盟則又不月莊十九
子結

凡內涖盟不月四外來盟不月三雖國君不月襄二十九

以輔寡來盟則月文十五宋司馬華孫宋人將弑昭公
華孫公子鮑之黨也其來盟實結魯

為援非君命故不稱使嫌與荀來盟于師則日齊國佐
敗績後

服請

凡外裔之盟不月僖二十狄宣十一辰陵三十二雖來盟不月屈與

盟不月

于齊鹿上

必吾君大夫特與之盟而後日

隱二文以八皆戎

兵加中國公會之盟日

僖二十一年于薄二十七年于宋成二于蜀

兩主之雖

吾大夫及盟日

襄二十七年于宋

凡魯桓之盟皆日

六唯盟戎不日

桓二說見桓會下

凡內離會不月

四

外會公不月

文十三衛侯鄭伯

必參會而後

月

隱十定十四凡離會離盟皆兩國之志自諸侯合而為亂始有參盟參會中丘為魯合齊鄭之始牽為魯

合齊衛叛晉之始故月以異之

參會有大夫則不月

哀十

遇不月

三

凡公會內女

莊二

會師

定

夫人會齊侯

莊二糕莊七防殺僖十七十

如師

莊五

皆不月夫人享齊侯以王月則書其月

莊四

凡外離會不月

定十四

雖參會不月

定十

唯始懼楚而會則

月

桓二凡諸侯來朝不月則七月為會鄧書

遇不月

三

胥命不月

一

凡盟主之會不月

四

雖公會之不月

十

雖王卿士會之

不月

單伯

必無成事而後月

僖元年

于榿謀救鄭而不成

還襄七年于鄒救陳陳侯逃歸二十四年二十五年二夷儀伐齊一大水不克蒙日食月一受賂不討賊蒙弑

君月皆以前例見之

凡大夫與大夫會不月

襄三十

涇洲

內大夫會之不月

十 諸侯與大夫會不月 定十 伯主之會亦不月 莊十三

二 諸侯與大夫會不月 安甫 伯主之會亦不月 北杏僖

三 陽 雖吾君會之不月 襄二十 內大夫會諸侯亦不月

四 凡外裔與諸侯會不月 僖二十一 雖吾君特會之不月

隱二 諸侯及之亦不月 哀十三 會又會亦

不月 襄十 必會而及盟而後月 成二 吾大夫會之不月

宣十五 宋襄五 善 必會又會而後月 成十五 鍾離

凡魯桓之會皆月唯不過不月 十年今案日月有例所以權事之輕重而別其

同異桓內弑其君而結鄭以定其位取鼎以成宋亂又與鄭突同惡相濟雖昏于齊而不能為紀求齊身又卒死于齊其六盟十五會不出乎此乃為國君者之極惡奇變在十二公中無與為比非有輕重之可權同異之可別故從舊史恒法一以施之所以重社稷尊宗廟文不易而義愈深矣盟我獨不日者桓之盟會既別治之與諸公異故盟我亦別之不得與隱公同也凡疆場之交所以維好息民隱二年公會我于潛傳曰脩惠公之好也桓弑隱非繼隱好亦不得同隱盟書日削其盟我之日而二義皆成書法神妙蓋如此不遇不月者異成事從史文也

凡平皆月

宣四平莒及邾十五宋八及楚人平昭七莒齊平定十及齊平

有關魯與諸

侯之合散則不月

隱六鄭人來渝平定十一及鄭平陳氏曰書鄭渝平以志諸侯之合書及

鄭平以志諸侯之散可謂深得經旨不知經不書月已
特別而異之然諸侯合散經於離盟不月見義陳氏已
發不書之秘此二平不月則魯與
諸侯之合散在焉亦不可無辨

主戰爭類

凡內侵不月

三

必公將而後月

四內犯大國書侵故公將則月以甚之

凡外侵不月

二十

雖侵我不月

四

必內會伯主之師若

王臣合諸侯而後月

僖四公會諸侯侵蔡公孫蒍會
齊侵陳定四公會劉子侵楚

凡內伐不月

八

雖公將不月

十

必三卿並將而後月

昭十

伐莒哀二伐邾征伐執詞故君大夫同不月三
家既分公室有時並將俱出則月以見異常

凡外伐不月

七十

雖伐我不月

二十

唯伯者不能救與國

而伐小國則月

僖十五年齊師伐厲傳曰以救徐也

唯納所屬公子殺已

立之君則月

僖十八年宋伐齊納孝公齊人殺無虧

必伯主以王命討罪而

後曰

莊二十八齊人伐衛說見第三篇又見前

凡公會侵伐不月

二十

唯會伯主若王臣伐諸侯則月

僖四

侵蔡伐楚定四侵楚

自京師遂會則月

成十三伐秦

會太子稱君將伐

國則月

成十伐鄭傳六月丙午晉侯卒

凡大夫會侵伐不月

莊十四

唯會

仇讎以逆王命則月

莊三
伐衛

會伯國侵與國則月

僖四
侵陳

凡外裔侵伐不月

七十

雖侵伐我不月

文七狄
哀八吳

雖公會

伐不月

哀十十一一以月
至見義一為賊月

凡魯桓會伐皆月

二義與
盟會同

凡公敗外師不曰

三略之國君不
以善將為功

甚之則曰

隱十敗宋
于管臣會

伐而又獨進敗之莊十一敗宋
于鄆宋方輔齊圖伯魯再敗之

大夫敗之則曰

僖元公
子友昭

五叔弓皆敗營却敵禦寇皆
臣子分所當為故從其恒法

凡外相敗曰

僖三十三晉
及姜戎敗秦

中國敗外裔不月

晉敗
狄三唯內

大夫敗狄則曰

文十一叔孫得臣義與敗外師同

凡外裔相敗不曰

定十四於越敗吳

苟敗其從中國者則又不

月

楚人敗徐異相敗

雖敗中國不曰

莊十荆敗蔡昭二十三吳敗頓胡沈蔡陳許為胡子

沈子

苟王師敗績則又不月

成元王師天下莫得較故異其事

凡戰皆曰

內外戰十九

拒王命而戰則不曰

莊二十八衛及齊戰說見第三

篇

外裔自相戰則不月

昭十七楚及吳戰于長岸略之與中國異

苟為中國

討罪則曰

定四蔡侯以吳子及楚人戰于柏舉

凡圍不月

內外圍國邑二十五皆同

雖公會圍不月

僖六年伐鄭圍新城

唯書

同圍齊月

襄十八

凡公圍內邑月

定圓成

公在外則又不月

昭圓成

凡外裔圍中國不月

十

雖中國圍外裔不月

定五

凡內入國不日

隱二入極桓二入杞

必公將而後日

隱十一入許哀七入邾

苟入其甥國雖大夫將日

僖二十七入杞責來朝不敬時伯姬尚存

廢祀易

田雖入邑日

隱八入訪

凡外入國不日

隱二莒入向僖三十三秦入滑昭十八邾入郕

雖君將不日

哀八

宋八曹

必伯主將而後日

僖二十八晉侯入曹

討違王命若叛中國

雖大夫將日

隱十齊鄭入郕討不會王命文十五晉卻缺入蔡討不會新城襄二十五鄭公孫舍

之入陳報其從楚見伐

苟有以來之則不月

隱五衛入郕報其侵十年宋衛入鄭報其

伐僖二十鄭入滑文五秦入郛皆討其貳周禮大司馬比小事大以和邦國孟子以小事大為畏天

凡外裔入中國不日

三

苟為中國討罪則日

宣十一楚子入陳討

弑君者定四吳入郢為蔡討楚

其自相入則又不月

成七吳入州來定五哀十三於趙入

吳

凡入國以其君歸不日

哀八宋入曹

內入國以其君歸則日

哀七入郛

凡潰不日

僖四蔡潰文三沈潰昭二十九鄆潰

外裔潰中國則曰

成九

凡滅國不日

莊十齊滅譚十三滅遂襄六滅萊

唯滅吾同宗之國曰

僖二

十五衛侯燬滅邢

因諸侯之會遂滅小國曰

襄十諸侯會吳于柰遂滅偃陽

苟

閭伯主有事而滅小國則又不月

僖十七齊桓為淮之會魯滅項襄六晉悼

列鄆人于戚之會莒人滅鄆譏在齊晉

凡外裔滅中國小國不月

楚滅弦黃滅江六狄滅溫吳滅巢

會而遂滅

則月

昭四楚會伐吳遂滅賴

必滅大國而後曰

昭八楚滅陳十一滅蔡

雖大

國之附庸曰

宣十二楚滅滿危及宋

凡外裔自相滅不日

莒人滅郕
越滅吳

外裔滅畿內國不日

滅狄

溫僖十六年傳狄滅溫
蘧子無信也
蘧子叛王即狄又不能於狄狄人伐之王不救
蘧子奔衛
疏云不日闕文

率意言之

宜少合也

凡滅國以其君歸曰

定四年蔡公孫姓滅沈
六年鄭遊速滅許

雖外裔滅中

國以君歸曰

昭十一年楚師滅蔡定十四年楚
公子結滅頓十五年楚子滅胡

中國滅外裔

以君歸曰

宣十五年晉師
滅赤狄潞氏

唯外裔相滅以君歸不月

僖二十六年

楚滅
變

凡外取師不月

隱十哀
九十三

殲不月

莊十七

凡內取田邑皆不月

八哀二取鄆東田沂西田為三卿並出月宣四伐莒取向為平莒月

背盟取邑則月

昭元取鄆叔孫豹會執而取鄆故月

必一舉取二邑而後

日

隱十取鄆取防鄭取二邑陽公與取地邑異穀梁傳曰不正其乘敗人而深為利取二邑歸諸已政謹而

也日之

凡內取國不月

僖二十二須句宣九根牟成六鄆襄十三郛皆例三

遂滅其祀則

月

昭四取鄆魯屬鄆而莒滅之至是鄆又叛莒而來依我我不能推亡固存反乘急而兼之故凡內取不月此

其月異之也

凡外取邑不月

隱六長葛著例隱四年娶為下弒月

雖取內邑不月

哀八齊人

取謹必取以居公然後月昭二十五取內所賂田月宣

及聞齊人取濟西田

凡外取國不月僖三徐襲國不月襄二

凡降國不月莊八必伯主而後月莊三

凡救不月八閔僖二救邢上為元年雖內救不月三僖

師救齊著例襄二十會救不月四及遂救不月僖六必王

人救列國而後月莊六

凡次內外皆不月內次二外次四會次二楚次一聶北

襄二十三雖雖公次不月莊三著例昭二外次必伐我

榆為日卒月

雖公次不月

莊三著例昭二

外次必伐我

而後月莊不月僖二十八

襄五

凡公追不月莊十八僖

二十六

凡遷邑不月莊元邢必遷國而後月

鄧郟

莊十宋遷宿

凡自遷其國以避外裔月

僖元邢遷夷儀三

叛中國而

請遷於外裔則不月

成十五許遷于葉昭九于夷

請遷

于吳以避仇楚則月

哀二蔡遷州來蔡既以吳入郢其

月書

三師田類

凡狩不月

哀十四西狩時事

唯火田則日

桓七共咸丘譏盡物

凡公狩月

桓四郎

諱與讎狩則不月

莊四

觀魚不月

隱五非務

蒐不書公不月

昭八紅

雖大蒐亦不月

四三家分公室据定十四年比蒲邾

子來會公見大蒐皆公在昭八年蒐于紅傳自根年至于商衛革車千乘則非時田可知必大閱治

兵而後日

桓六莊八

西賦稅類

凡軍制作舍皆月

成元襄十一昭五

賦稅不月

宣十五哀十二

五興作類

凡城築不月

成二十三年

雖會城不月

襄二十九年城祀傳言六月

雖城成

周不月

昭二十二年十一月

必伯者存亡國而後月

僖元年城邛二年楚丘

苟

無成功則又不月

僖十四年緣陵

凡新不月

莊二十九年延廐

新作不月

僖二十九年南門

必有僭制而後月

定一雄門兩觀

凡墮邑毀臺皆不月

定十二年墮邱貴文十六毀臺

凡浚川時

莊九

十六青盜類

凡肆青月

莊二
十二

盜竊寶器得寶器皆不月

定八
定九

春秋屬辭卷十四

欽定四庫全書

春秋屬辭卷十五

元 趙汭 撰

辭從主人第八

辭從主人者謂從主人之辭也語出永嘉陳氏主人與公羊傳主人習其讀問其傳之主人同謂魯君也春秋本魯史成書雖孔子作經亦必稟君命而後得施筆削自非有所是正皆從史氏舊文然其所是正者亦不多見故曰辭從主人蓋本孟子其文則史而穀梁傳亦有

從史文之云實經之逸義也當春秋成時孔子恐門人不得其意故告以制作之原曰其事則齊桓晉文其文則史其義則某竊取之矣此曾子以授子思而孟子述之實千萬世學春秋者之指南也至公羊氏乃曰其辭則丘有罪焉爾又曰定哀多微辭主人習其讀而問其傳則不知已之有罪焉爾又曰所見異辭所聞異辭所傳聞異辭其意以為春秋製言之體皆出聖人而又不得其所以為言者故曲為之說夫策書之法內惡諱之

而外事從告與史氏雜志以訐為直者不同韓宣子晉卿也觀書而大史氏不隱者以其文辭猶存成周舊典非史氏私書比也孔子非史官亦非見大夫也請修國史而時君時相不以為疑者其事與文皆仍魯史之舊雖有筆削而無所增加也則其辭何罪之云定哀之際書事與隱桓以後不殊而亦何微之有蓋孔子嘗曰知我者其唯春秋乎罪我者其唯春秋乎非其辭之謂也其言之所自出與孟子同而口傳失真則去之遠矣蓋

其所聞於不修春秋者兩星不及地尺而復而已則又
安知魯史記之為周禮哉司馬遷有言孔子西觀周室
論史記舊聞興於魯而次春秋七十子之徒口授其傳
指為有所刺譏褒諱抑損之文辭不可以書見也則由
公羊之說而意其當然然愈誕矣自是以來家自為學
人自為書穿穴支離傳會膠固其甚者乃若法吏深文
巧詆之為皆坐以春秋為孔氏所創一家之言而不知
其本故也穀梁以國地之異名者謂之從史文不能通

諸金經左氏所發多史例也而記韓宣子之言謂之周禮且曰非聖人莫能脩之則其失在不知有筆有削而已至永嘉陳氏乃專主筆削求經然猶以爵號名氏為褻貶誤指左氏所錄即魯史舊文而經之成言皆為聖筆所脩其所謂從主人之辭者亦無幾焉則猶惑於公羊而於孟子所傳述者未嘗少致思也故今特取陳氏語名篇以矯其失凡天道人紀爵號名氏郊廟師田昏姻朝聘史氏之恒辭皆以類發例而赴告之情策書之

體可得而論者亦一二附見焉

一編年類

凡君之首年曰元王之始月曰正

元者首也以吾君即位之首年故曰元年

正者長也以時王所改一歲之長月故曰正月吳光生曰尊其在首特立殊稱故不曰一年而曰元年尊其在始特立殊稱故不曰一月而曰正月

二災異類

凡闕於所不見曰日有食之

不言為月所食

曰星隕如雨

不言至地

形之曰隕石于宋五

不言隕星

曰六鷁退飛過宋都

不言風

凡常無曰有

有蜚有蠹有年有星字有鵲鵲來巢

常有曰無

無水無麥苗

過常

曰大

大雨雹大雨雪大旱大水大饑大有年大無麥禾大雩大蒐

甚有曰多多始出

曰生

生蠖

三郊廟類

凡除地祀天曰郊

本天子孟春祈穀于上帝之祭其禮於郊外掃地而行之故名其祭為郊

魯僭用之僖三十一年始見經

可否聽于神曰卜郊有禱而為曰用郊

牛卜吉日曰牲不用曰免望祭三方曰三望

詳見第一篇

凡設壇祈澤曰雩用盛樂曰大雩

禮天子大雩帝用盛樂魯僭用之

雩

而得雨則書雩雩不得雨則書不雨為災則書旱

詳見第一

篇

凡三年大祭曰禘

本天子之禮魯僭用之僭八年始見經

譏在祭則曰祭

譏不在祭則大廟曰大事略之曰有事

詳見第一篇

逆祀曰

躋順祀曰從

前言躋則後為降後言從則前為逆互文見義

已絕而祔曰致祭

而安主曰考得已不已曰猶周公曰太廟魯公曰太室

從殷梁世大古字通用吳氏曰左般誤世為大杜氏以為大廟之室諸儒多從之夫廟制中央一室謂之大室書洛誥成王祭文王武王而曰王入大室裸彼文武廟亦有大室若果大廟屋壞當書大廟

羣公曰

宮禰宮曰新宮羣公以謚名宮婦人以姓名宮已毀更

作曰立

凡時祭秋曰嘗冬曰烝

本公羊傳春日祠夏日禴秋曰嘗冬曰烝與周禮合不書祠禴

者春夏禮薄鮮過舉
常事不書例見後

四名號類

凡侯國之史稱天王

若王朝之史但稱王

或曰天子

錫成公命劉氏曰臨諸侯

曰天王臨天下曰天子然名號當歸一蓋特筆也姑存之

王不在辭端不加天

從王伐鄭

凡言天以其無上故不加於語中

凡王世子不名

首止會惠王太子鄭

王子稱字

王季子來聘頃王子

必見殺

若相殺而後稱名

弟佞夫王札子

爭立名

王朝子

凡王朝公卿不名稱爵以配國邑

僖九年周公孔三十宰周公閔成十二周

公楚隱元祭伯七凡伯偕十濫子蕪氏文元文九宣十

五毛伯衡昭二十六毛伯得文五召伯昭公宣十五召

伯戴公成八召伯桓公昭二十六召伯莊公成十六十

七尹子武公莊元十四單伯文十四單伯成十七單子

襄公襄三單子頃公昭二十二單子穆公旗昭十三劉

子獻公摯二十二劉子食即定四劉子文公卷吳氏曰

王朝三公八命有封國則從九命之爵稱公六卿六命

有封國則從七命之爵稱伯中下大夫四命有封邑則

從五命之爵稱

必冢宰而後兼稱宰

宰周公宰渠伯糾

父在子

子爵止三等

襲其爵則兼稱名

糾梁伯

父老子代其使則稱某人之子

仍叔之子

舉其族稱氏

昭二十三二十尹氏

父卒子未命稱某氏子

武氏子

凡王朝大夫未爵稱字

南季仍叔家父榮叔叔服傳稱內史叔服內史於周禮為中大

夫吳氏曰王朝中下大夫四命無封邑者以字配氏

上士中士稱氏名

宰咺官師劉夏石尚

下士稱人

凡王者之都自諸侯言曰京師

不敢斥其地嫌若外辭

自王者言

則以地舉曰成周曰王城

王者不自稱京師

諸侯城王都亦以

地舉曰城成周

王者有遷都之義故城築當以地舉與城楚丘城夷儀不言城衛城邢同

王

所在曰王所

不敢直言朝王

自其家人而言曰王室

不及外廷之辭

凡諸侯內生稱公

順吾臣子之辭

外生稱爵

正周班也

卒

稱爵稱名

重王爵謹世繫

葬則舉謚稱公

順彼臣子之辭祭公食大夫禮五等諸侯

同稱公蓋國中臣庶不敢斥其君之爵通得稱公實周制也

必見弑然後稱其君苟

閹弑盜殺則不稱其君

閹與盜皆賤不得以君臣之辭書之

凡嗣子未葬稱名

莊三十二十月子般閔元六月葬公襄二十一九月子野十月葬襄公

既葬稱子

文十八十月子卒是年六月葬文公公羊傳曰君在稱世子君薨稱子某既葬稱子踰年

稱君何氏曰緣民臣之義不可一日無君故稱子某明
繼父也名者尸柩尚存猶以君前臣名也既葬不名者
無所屈也一年不二君故稱子踰年稱公不可曠年無
君也此說合經意必有所傳左氏不知此義於子卒曰
諱之也杜氏謂魯諱祔既葬不稱君於里克弑其君之
子曰未葬也為左氏學者遂以為未葬稱子之例而既
葬稱君據里克弑其君卓不思奚齊稱其君之子與在
喪稱子文既不同卓踰年見弑自具桓稱與在喪亦異
苟子惡宜稱君而諱之則當如隱公稱公會諸侯稱子
薨亦不稱子卒皆失其義類非經旨明矣會諸侯稱子
僖九榮子會葬立未葬二十五衛子盟于洮既葬未踰
年定四陳子會召陵未葬傳曰宋桓公卒未葬而襄公
會諸侯故曰子此諸侯在喪出會稱子之例以其去喪
位無所屈故雖未葬不稱名據衛成公既葬未踰年稱
子文九年春毛伯來求金踰年而未葬不稱王以師
可見必既葬又踰年乃得稱君杜氏之失明矣以師

行稱爵

桓十三衛侯與戰踰年未葬成二年鄭伯伐許既葬未踰年皆

以其用軍禮變喪容將兵出令不可復冒喪主之稱故稱爵趙伯循曰凡諸侯在喪而有竟外之事以喪行者

稱子以吉行者稱爵志惡之淺深也今考出外稱子唯施于盟會行師皆稱爵其說未當未踰年遇

弑稱爵

齊公子商人弑其君舍禮記曰君薨太子號稱子待猶君也然則稱子者乃嗣君在喪之號臣

子事之則猶成君也故遇弑則稱君所以正君臣之名以明弑逆之罪為左氏學者有既葬未踰年稱君之說失一年不二君之義矣穀梁又謂成舍之為君所以重商人之弑失待猶君之義矣夫既曰待猶君則不待春秋成之而商人之罪亦豈待成之而後重哉由膠於踰年稱君之說而不知遇弑當變文以正名此所以失也

出奔稱名

鄭忽曹羈莒展與東者嗣君在喪之稱既失國非復在喪之子故不得比出會諸侯稱子

也君賈國滅見執以歸稱世子

蔡世子有昭十一年四月楚子虔誘蔡侯般殺

之楚公子棄疾帥師圍蔡十一月滅蔡執蔡世子有以歸用之以楚人誘殺其君父即進兵圍其國都執有以

歸用之岡山蔡無有子遺矣書曰世子示不絕于蔡也

外子卒不志

衛載略外

凡諸侯不生名去國辯二君名

鄭突辯於忽衛朔辯於黔牟蔡朱辯於子國營

庚與辯於郟公邾益辯於革齊侯將納簡公晏子曰燕有君矣則具出不可無辯也衛鄭使元咺奉叔武受盟

則非二君也既而晉侯命叔武稱子序莒子上衛侯歸卒殺叔武則疑于二君矣故歸自楚名之既又見執於

伯主而元咺立公子瑕故再歸名之衛衍立二十一年而大臣出之代其位者亦貴戚之卿也臣無出君之義

無攝之之道則非二君也既而割列於諸侯之會則不可無辨矣故書以名之有謂書割書衍者乃筆削之微辭見衍之不禮大臣至于失國割見納不名頓于北燕伯諸侯不

相復國繼絕名

蔡侯廬陳侯吳從繼故例

小國之君來朝詳之名

伯

綏鄧侯吾離傳言賤之杜氏謂僻陋小國禮不足故今索來朝唯附庸小國稱名以其未爵命也有降爵成禮者滕杞薛之君是也有以不敬見伐者杞君是也史皆不敢斥其名殺鄧遠於魯素無交好既以侯伯成禮復賤之而書名非人情也以當時事理推之殺鄧於魯交好不通事無本末二年蔡侯鄭伯懼楚而會于鄧殺鄧二君亦以懼楚故始來朝於上國旋附庸之君名介葛則亡滅不復再見故書名以詳之

附庸之君名

介葛

黎來以其未爵命于天子不得從五等邦君例稱爵而從卿大夫例稱名

大者稱字

邾本附庸至儀

父彊大比於列國魯人喜其來盟不敢以名命之蕭者
宋附庸叔者其君之字蕭叔大心之後邈追朝公亦不
以名命之皆從王
朝命大夫例稱字

凡諸侯朝會降爵成禮錄其實

滕子杞子
杞伯薛伯

諸侯世子來

奔逆以諸侯之禮書爵

與卿伯傳曰卿大夫子朱儒以夫鍾
與卿却來奔公以諸侯逆之先儒

多不信其說今案卿伯卒卿人立君而卿大夫以地來
奔公以其宜為君者故以諸侯禮逆之雖非禮亦與他
叛人不同左氏非妄孔氏曰史遂從公之意不可反公
之心追言世子王氏曰若書朱儒以地來奔則不見公
以諸侯禮
叛人之意
伯國立太子為君會諸侯書爵
成十晉侯伐
鄭傳曰晉侯

有疾五月晉立太子州蒲以為君而會諸侯伐鄭據傳
晉人生立太子為君此後世內禪之禮所從起也然非

王制則悖甚矣劉侍讀謂經但言晉侯無以明之若有其事當書名非也州蒲既稱君以主諸侯非爭國失國不當名之亦無稱諸侯之弟攝位受盟稱子僖二十八年君書名列會之法衛子從未

成君之禮

附庸世子攝君來朝稱人

邦牟葛

凡畿內諸侯卒不稱爵

王子虎劉卷孔氏曰有謚必當有爵不書爵者畿內之國不得

外交其臣不敢赴必天子為之赴不言其爵也

葬則舉謚稱公同諸侯

畿內諸侯得置

臣屬治其國邑

凡夫人生以姓配氏卒以謚配姓葬稱我小君

順吾臣子之辭

內女以字配姓字叔或加子

孔氏曰文十二子叔姬杞桓夫人十五子叔姬齊昭

夫人宣五子叔姬高固妻成五有杞叔姬來歸其娣也
娣亦字叔者周之法積叔也今案伯仲叔季唯可字四
人故字法或積叔既積叔故或加子以自異如公孫嬰
齊稱子叔嬰齊其後叔老叔弓或稱子叔子蓋欲別于
叔孫氏也大夫書名氏故字不得見經婦人唯書字故
從其加子以自異也自趙伯循謂時君之女曰子學者
固謂齊子叔姬為文公女計其年又謂非齊舍母而杞
伯來朝謂絕叔姬等事皆以為非由一字之義不明而
左傳有數處不可信矣

凡諸侯之子曰公子公子之子曰公孫公孫之子賜族

稱氏

隱八無駭卒羽父請謚與族劉氏曰杜云無駭公
子展之孫非也若無駭真公孫之子當其繼大宗

也賜氏久矣何待死而賜氏乎且禮云公孫之子以王
父字為氏非言其死而後氏之也然則無駭固公孫也

無駭請族者為無駭之子請族也子展稱公子無駭稱公孫無駭之子未有稱也此其所以請之也若公孫之子死然後賜族則無駭為終身無所氏也杜氏不明于禮矣公孫為兄後卒稱族成五仲嬰齊卒公羊傳曰公孫嬰齊也曷為謂之仲嬰齊為人後者為之子孫以王父字為氏歸父奔齊魯人徐傷歸父之無後也使嬰齊後之今案歸父者仲遂之子嬰齊其弟也弟無後兄之義而昭穆無積法為人後者為之子大典不可亂也故嬰齊不得稱公孫比叔盱之子而稱族同叔老者以其為歸父後則祖仲遂從以王父字為氏之法也不稱仲孫者以別於仲慶父之後與叔盱之後不稱叔孫以別於叔牙之後周何氏謂不書得為父孫不待異文而後見

凡公子公孫為卿書屬

公子並師公

非卿稱名

衛公子州吁齊

公孫無知宋
督戴公孫

攝卿稱名

無駭與輦之類傳荀林父曰攝卿以往可也隱不爵命大夫故

用攝禮必爵
命然後書屬

錄異恩兼書字

公子季友仲肸繼故名之衛達公弟叔肸

爭國名之

鄭突曹赤齊小白陽生之類去屬見非復臣子

篡立未會諸侯名之

衛州吁齊無知陳佗莒展與諸侯無定其位者皆錄實

殺之雖非卿書公子

諸侯公子

不言大夫者

在位見殺書其大夫

君臣之辭書屬與氏同

外殺若放不

言大夫

非君臣

凡母兄稱兄母弟稱弟

宣十七年傳例曰凡稱弟皆母弟也此適庶貴賤之別史得為

例非謂庶公子非兄弟陸氏駁之過矣杜氏曰庶弟不得稱弟而母弟或稱公子若嘉好之事則仍舊史之文唯

相殺害然後據例以示義昭元年陳公子招不稱弟者與莊二十五年公子友同今案杜說未當故陳氏併傳例排之凡稱兄弟者或為卿或非卿皆以恩寵錄實因見禍福所由故先儒考諸稱弟鮮能善其後者是以內唯叔胗卒稱弟若季友則內外異辭任使之際無謂稱弟陳公子招列序於諸侯大夫之間亦不得獨異其文稱陳侯之弟又宣十五年天王使王季子來聘公羊以為天王母弟孔氏亦推杜說言之不知天子大夫例稱字不可言天王使其弟某來聘嫌序尊也稱王季子則王弟可知與諸侯來聘以稱弟為貴者不同史文各有攸當以為筆削之旨尤非

凡諸侯之兄弟有謂得稱字

祭叔為祭公來聘宗國稱字紀季以紀侯命分邑入

齊許叔復國繼絕蔡叔攝君盟折皆稱字其季子蔡季從許叔蔡叔例別以罪歸國者有筆削之旨

凡大夫為卿二命三命皆稱氏名

舊說大夫三命書氏二命書名一命書人

桑傳言叔孫昭子三命踰父兄則叔孫豹二命豹二命書氏則云二命書名者非矣小國之卿二命然非悞我楚皆子爵而其臣書氏名與中國公侯之大夫等當時書法豈皆據周禮命數為準左氏所言卿大夫之等與周官合公穀但據經文言之書名氏為大夫書人通謂之微
未賜族稱名魯挾桑溺鄭宛詹宋萬秦衍之類皆異姓初為卿者卒乃賜族啖氏謂未
命不書族非東遷諸侯猶不請命其大夫豈待請命者皆具國自命之爾自後世卿無不書族可見矣
於天子稱字宋孔父嘉陳女叔鄭祭仲足莊二十五年春陳侯使女叔來聘穀梁傳曰其不名天子之命大夫也王制大國三卿皆命於天子次國三卿二卿命於天子先儒推穀梁知孔父祭仲皆天子命大

夫從天子

舉其族稱氏

宣十齊崔氏

外卿以事來不見公不

名

齊仲孫高子不以使禮見公無所屈

主盟會非卿稱氏名

文二晉士穀晉司空非卿

而書尊伯國傳言堪其事非孔氏曰成二年傳稱魯賜晉三帥三命之服司空亞旅皆受一命之服知司空非

師

內大夫非卿但志其事

逆言逆莫言莫伐言伐外大

夫非卿稱人

諸大國非由貶責而稱人如宋人盟宿鄭人序邾人下者皆其下大夫

小國

之卿稱人

邾莒滕薛杞以下小國盟會征伐稱人皆其卿穀梁謂曹莒無大夫皆據經文書人不見

大夫名氏而言啖氏謂無命大夫亦非

接我稱名

莒慶莒棼邾快邾畀我

以地來雖

微者稱名

邾庶其黑肱莒牟夷傳皆曰非卿也以地來雖賤必書重地也

楚卿稱氏名

同大國

自屈完始啖氏謂楚嬰齊大會中國教請王命所以自後亦書族楚既僭號豈復通于周室其

失事實如此安可輕訾左氏學者

吳楚始聘稱名

楚椒吳札

必見殺若放而

後書其大夫已絕見討不言其大夫

晉欒盈鄭良霄之類

盜殺不

言其大夫

與不言其君同義

非見殺而書大夫者衆辭

公及齊大夫盟

于莒豹及諸侯之大夫盟之類如文七年公會諸侯晉大夫盟于扈乃聖筆所修文同義異

凡大夫既卒不名

原仲夷伯禮臣既卒不名

凡大夫見執稱行人苟非專使不稱行人

行父意如從公祭仲見誘

轅濤塗在師甯喜在會宋仲幾在京師唯鄭詹事不可考蓋齊人以伯令召而執之

專使唯王卿

士不稱行人

單伯可決不稱行人非皆有罪

凡士作亂稱盜

襄十年鄭尉止司臣侯堵等五人皆士傳曰書曰盜言無大夫焉陽虎家臣齊

豹奪司寇吳先生曰不命雖食祿與庶人同以庶人而竊物聚衆殺人均之為盜也蔡公孫翩從赴

凡外裔舉號君臣同辭

荆吳徐越本非外裔以其僻陋棄禮皆僭王竊號故用外裔例

書之荆後稱楚與中國盟會故史書其君臣以見其實若茅戎北戎山戎赤狄白狄之類本皆外裔舒鳩舒庸亦其類也蠻氏潞氏皆稱子潞其國也仍加亦狄者以別他狄等也

四裔大者曰子

經書潞子

戎蠻子傳記獻子肥子陸渾子正例也史避吳楚僭號亦以子稱以其叛中國同諸外裔也史記不言吳始封何爵外傳謂命圭曰吳伯武王棄大泰伯之後宜然陸氏曰封吳子非也

五昏姻類

凡納徵曰納幣親迎曰逆女

趙伯循曰昏禮有六一納

納徵即納幣也五謂期六親迎親迎即逆女也史獨書其二以納幣方成迎女為事終舉重之義也

凡魯君親逆稱逆女至稱夫人某氏至自某夫人不與

公俱至書入

錄失禮

凡卿為君逆稱逆女

禮無君使卿逆之文故從君逆稱女

至稱以夫人某

氏至

稱以錄其失禮

有姑稱婦某氏

以婦禮至如壺觴特承於室之類

徵者逆

稱逆婦某子某

禮不備不書夫人至

內女適諸侯曰歸

王女

來寧

反國曰歸

鄭季姬

國亡反其宗祀所在曰歸

紀叔姬皆適從一之義

諸侯逆稱字歸稱字

明

大夫稱所逆之字姑逆稱婦

凡卿為君逆不稱使

逆女使卿非禮與來聘以

來稱逆

女

曰女從內辭以別親迎

凡諸侯送女稱某氏

父母辭

凡王臣為天子逆稱王后

尊王命杜氏曰天子無外所命則成故不言逆女 歸

稱字

明齊

凡王臣送女稱王姬歸稱王姬

不稱字尊王女

凡致女內致外曰致女父母辭外致內但言聘

凡夫人歸寧曰如出曰歸內女歸寧曰來出曰來歸

六喪紀類

凡天子曰崩上壞之形君夫人曰薨上壞之聲未踰年君曰卒降成

君內女為夫人書卒為之服許嫁書卒成其喪王女書卒主其

昏大夫曰卒終其事諸侯曰卒別於內

凡天子崩不地略於王史公薨必言地詳內諱弑則不地明變夫

人薨不地有常處婦人無外事在外則地明變大夫卒不地降於君在

外則地

詳有

諸侯卒不地

略

卒于外則地

去國都公羊傳封內不地

非

是在會曰會在師曰師

著其勞

在他國書其國

錄失

吳楚

之君雖卒于外不地

吳子光楚子軫略夷狄

凡夫人不赴於諸侯不反哭于寢不祔于姑故不曰薨

不稱夫人故不言葬

隱三年傳為君氏卒發例

赴而不反哭稱夫人

而不書葬

子氏

反哭而不赴書葬而不言小君

定

妾母成

喪祔廟稱夫人薨書葬小君

錄實

七禍福類

凡繼故言立

衛晉

篡言立

王子朝

挈乎大臣言

以王猛子朝此所謂美

惡不嫌同辭二傳

成尊不言以傳著敬王出入亦曰以

凡公在他國曰在

在楚在乾侯

出在境內曰居

居

天王雖在

畿外亦曰居

出居于鄭王者無外范大史脩唐鑑書帝在房陵誤用諸侯出在他國之文也

凡遁赴曰奔

君臣同辭

宥之他國曰放

既無待放之禮亦與虞書流放不同穀梁

傳曰放猶屏也

凡自內曰出

王者內京師諸侯大夫內其國

在外不言出

敬王自劉居狄泉公孫叔

在道奔王子瑕子朝皆叛在外奔南里者宋城內里名故華向以叛入言出奔

國滅不言出

無所

出
自其邑奔曰自某出

曹公孫會

凡拘之曰執

君臣同辭

執之以去曰以歸王都曰歸于

京師彊致之曰歸之于以詐致之曰誘會滅不言以歸

福陽子賴子文不便

獲不言以歸

從可知

凡執恒稱人

諸侯無相執之道亦無執外臣之法故略言之

會而後執別稱人

會列諸侯執由盟主明非衆執其變文皆筆削之法

凡內大夫反國曰來歸

凡反其君曰歸

邾子益

潛反曰逃

君臣同辭

見獲而反不言歸

晉侯不足言

凡君大夫反國易曰歸

衛侯曹伯釋其罪蔡侯廬陳侯吳復其封鄭突挈手蔡仲曹赤

歸在羈出後趙鞅有請於君而復之者

難曰入

許叔因鄭亂鄭伯衛侯莒去疾皆國有君齊小白陽

生篡鄭良霄宋樂大心以惡入

國君已絕于位曰復歸

出奔言復歸位絕也諸侯無出

出則絕矣見執不言復歸位未絕也曹伯獨言復歸者由叛中國見討執畀宋人比之位絕者也

大夫

抗其君以歸則曰復歸

衛元咺趙鞅以君命歸故不言復

賊其國則曰

復入

宋魚石晉欒盈連結仇敵皆欲覆其本國陸氏曰良霄不書復入志在復讎非謀害國觀子產之言

見可

凡歸入必言所自

著其挾外援

苟言故則不言所自

突歸于鄭上言

宋人執祭仲

國逆而立之不言所自

齊小白陽生

凡興師以送之曰納非專納則言自某入自某歸

書去疾羣

公子召之陳公子黃楚承建從陳侯圍陳不書

苟言故則不言所自

赤歸于曹上言戎侵

曹晉藥盈復入于晉下言齊侯遂伐晉

凡大夫據邑書叛苟大國納之不書叛

宋魚石晉藥盈以伐宋伐晉為

重志復私讎雖入國不言叛

鄭良霄原皆定罪

內微者以邑叛

不書其人

據獲麟後甫成叛

外邑叛不書

凡自賊其君曰弑自外曰戕

左氏傳例

八朝聘類

凡公行未成禮曰如

杜氏曰據內出多有在道而復者不果彼國必成其禮故但言如

既成禮曰朝

公朝于王所

非朝則直言其事

納幣觀社

夫人越竟

皆曰如

如齊如莒

以事往直言其事

享齊侯會齊侯

大夫行皆言如

以事往直言其事

莒原仲致女納幣告羅

凡諸侯來朝皆成禮而後書故言朝同時俱至兼言之

滕侯薛侯

同時異至殊言之

穀伯

非朝則直言其事

獻戎捷奔莒會

葬畿內諸侯不言朝祭伯州公魯以王臣之禮接之不二尊也外裔來不言

朝

不能行朝禮

公在外不言朝

叔滿

凡王在外曰公朝于王所公在外曰某君朝公世子來

朝曰某君使其世子某來朝內女以其子來曰來朝其

子

代父行朝禮故曰使來朝卒不成朝禮故曰朝其子

凡王臣來聘皆稱使在喪不稱使天子諒闇聽于冢宰以事來者

直書其事

求聘求車求金錫命會葬歸賑歸賙

以其私來不稱使祭叔震

不外交

凡外臣來聘皆稱使

凡使皆吾君以禮受之於廟

以事來者直言其

事

歸祊獻捷言田言公

事不可書但言來不以使禮見君不稱使

齊仲孫齊高子吳先生曰皆季友以兩臣相見

以其私來不稱使

宋司馬華孫來盟為公子

鮑結

徵者不稱使

諸稱人來皆不以賓禮接

凡致物曰歸自外曰來歸無專使不言來

公孫敖之喪濟西田謹闕

受之於會曰取

部大鼎

凡與下曰錫相與曰畀借物曰假輸物曰納婉辭以徵

曰求直辭以請曰告卑辭以請曰乞諭意曰言弔亡曰

言

凡繼事曰遂兼事曰且不得已曰乃

九盟會類

凡載書歃血曰盟不相盟而結言曰胥命

凡內特相盟內為志稱及外為志稱會

傳例君臣同辭

自參以

上皆稱會

魯無專合諸侯之事君臣同辭

公如伯國受盟稱及公與外

大夫盟稱及與戎盟稱及大夫與戎盟稱會彼盟於我

曰來盟我盟於彼曰蒞盟聘而後盟曰及某盟彼故不

盟曰弗及盟此不得盟曰不與盟

皆說見第一篇

凡伯者服貳曰同盟

非為諸侯之叛服而盟者皆不言同

請與曰乞盟後

期曰會盟別盟稱及又及

襄十三難澤

凡釋怨曰平平亂曰成內欲平曰及某平外欲平曰暨

某平外相平曰某及某平內平外曰平某及某

凡以會禮相見曰會不以會禮相見曰遇

凡謀伐稱會

如桓會伐鄭莊會伐衛之類

前定稱及

桓十二公會鄭伯盟于武父十

二月及鄭師伐宋既盟而後伐不言會十七年秋及宋人衛人伐邾微者受命于國不言會僖四年秋及江人

黃人伐陳同受命

於伯主不言會

凡伯主避不敢主言及以會

公及齊侯會王世子于首止桓公帥諸侯以會王世

子而不自主會乃禮之宜非是特設以尊王世子亦非夫子特筆

殊外裔言會又會

成

五鍾離襄十桓十四向此與及以會異者晉君臣既以主會之禮會諸侯而後會吳也陳氏均謂之殊會誤矣

兩主之言會以及

公會晉侯及吳子于黃池

凡諸侯會外裔曰會之

宣十一攢函殊之不使夷狄之君與諸侯序

會其師

曰及

僖三十二般杜說非義同上

師與大夫不言及

宣八伐秦成九伐晉不殊

便

文稱人

僖二十盟于邢襄五會戚之黜

外裔自相會如其序

昭四淮夷此皆史氏

所及陳
說誤

凡公在外而諸侯會之曰會公於某公在內而諸侯會之曰某來會公諸侯已會而我獨見外曰不見公諸侯不期而及於會曰如會不及會曰未見諸侯

又案桓十三年公會

紀侯鄭伯及齊侯宋公衛人戰傳曰不書所戰後也凡諸侯之會公不與皆不書與會傳皆曰後也據經所書是已以經合傳以傳翼經春秋但與其成事亦不得復有異文此三傳之例所以互相發明者也

非期

會而與盟曰會諸侯盟于某

僖二十一薄二十七宋

外非期會而

與盟曰某會盟于某

僖十九鄆子

凡魯君特會外君不言故自參以上必言故

中丘伐宋
稷成宋亂

哀伐鄭
曹伐鄭

唯伯主之會不言故

不言者皆
從可知

魯臣會外臣苟

非天下之事則言故

澶淵宋
災故

凡特相會往來稱地

傳例曰讓事也杜氏曰會必有主
二人獨會莫肯為主故但書地

自參以上往稱地來稱會

傳例曰
成事也

凡因伐而會致伐

謀伐在會前桓十六
成三會伐鄭之類

志不在伐致會

生事在會後成十六伐
鄭不成伐大夫侵陳蔡

一出有二事則致其重者

僖四
侵蔡

伐楚致伐楚僖六伐鄭救許致伐鄭成
七救鄭同盟十七伐鄭同盟皆至會

一事偶則以後

事致

僖二十九年溫遂圖許致圓許及襄十一會伐鄭會蕭魚致會之類

凡內地不致伐叛則致

定十二圍成

凡伐而戰不致

莊九乾時

敗之不致

僖元于偃邾地

會戰不致

桓十三會

紀鄭會伐而戰亦不致

桓十二及鄭師哀十一會吳據傳皆公與戰戰者危國亡師之道傳

曰戰不必勝雖勝亦未必全師而反況公親戰尤危事凡師公與戰或此敗績或彼敗績或此敗之其安危得

失已著舉其重者故不書至

凡大夫不致

降于君

見執則致

季孫意如叔孫婁重事變

公與之俱反

則亦不致

季孫行父大夫出入從公不書殺梁傳曰執者致而不致公在也

凡至彼而反曰還

還者事畢之辭公還自晉歸父還自晉之類

未及彼而反

曰復

復者事未畢之辭公如晉至河公子遂如晉至黃此啖氏考經正義梁之失

入其竟曰

至某乃復

公子遂如齊

未入其竟曰弗至而復

公孫叔如京師

凡周班諸侯序爵爵均尚德

據定四祝佗告莊弘德猶始封之君而言

王入

序諸侯上

僖八王人僖九宰周公之類何氏曰王人銜王命會諸侯諸侯當北而受之故尊序于上

寰內諸侯之師序列國上

僖二虞師晉師

大夫如其班

隱五伐宋鄭人

序邾人下僖二十八會溫秦人序邾人下皆以大夫序

卿下莊十五伐鄆十六伐鄭二十六伐徐僖二十一鹿

上二十九翟泉皆宋人序齊人上時齊卿猶不先宋莊

十九伐我西鄙二十八救鄭僖五侵陳皆齊人序宋人

上時宋非卿文十七伐宋陳人序衛人下傳曰衛孔達
陳公孫寧杜氏曰寧位非上卿成二蜀之盟齊人序鄭
人下杜氏曰齊在鄭下非卿襄二十七會宋陳孔奭序
蔡公孫歸生衛石惡下昭元會號陳公子招序衛齊惡
下蔡公孫歸生上襄昭以後陳從楚則陳侯序蔡侯下
其後蔡從中國則蔡侯序衛侯上如大夫自如其班周
禮大司馬設議辨位以等邦國春秋之初魯以周班後
鄭而鄭怒有郎之師小國諸侯亦降爵來朝不待伯者
出而班序已亂矣

凡主會者所序

公羊傳曰其序則主會者為之主會謂伯者

伯主序諸侯上

齊桓創伯自單伯會諸侯于鄆以後齊侯恒序宋公上
唯遇梁丘序爵蓋見禮相見書如其班與主會不同晉
自文公以後終春齊侯序宋公上桓十三年紀鄭之戰
秋序齊侯宋公上齊侯序宋公上外

傳齊僖於是乎小伯其先宋蓋以疆大
爾自桓伯以後終春秋齊君序宋君上
陳侯序衛侯上

衛侯序蔡侯上

入春秋皆以蔡衛陳為序桓十六年伐
鄭衛侯陳侯序蔡侯上杜氏以為蔡後

至亦時衛疆齊宋皆以為黨故也自後陳常先蔡莊十
五年齊桓會鄆而後陳侯復先衛杜氏以為陳介於齊
楚之間為三恪之客故桓公進之今案時蔡已從楚故
桓公進陳以兔勵之自後陳當在衛上至襄昭之世陳
侯從楚恒序蔡侯下蓋楚人以蔡先服故先蔡至定
四年會召陵侵楚蔡侯始復從中國故序衛侯上子

男序侯伯上男序子上

莊十六年同盟于幽許男序滑
伯上僖四年伐楚以後恒序曹

伯上十六年會淮序邢侯上成五年同盟蟲牢邾子序
杞伯上六年同盟馬陵莒子邾子序杞伯上以後莒邾

恒在
杞上
世子序小國之君上

晉悼之會齊世子光恒序薛
伯杞伯小邾子下襄十年序

滕子薛伯上十一年序莒子邾子邾子上傳以為先至非也齊大國也而每貳于晉故悼公違禮進其世子以說齊

在喪稱子居本班或降其班僖九葵丘宋襄稱子在本班二十八會溫陳共稱子

班鄭下定四會召陵陳懷稱子班鄭上杜氏曰無義例蓋主會者所為衛侯之弟攝位受

盟稱子序鄭伯下僖二十八踐土衛叔武晉卿序齊宋上僖二十

泉晉人序宋人齊人上以齊卿序宋卿上襄二會戚齊後晉卿恒序齊宋卿上崔杼序宋華

元上以後齊卿唯師以國序莊十齊師宋師僖元齊師恒序宋卿上宋師二十八晉侯齊師宋

師秦師襄二晉師宋師衛甯殖

凡楚主盟會序諸侯上楚得諸侯與中國伯主待與國不同陳蔡以下服役僅同縣鄙

其序於所從諸侯上史文之實錄也唯其能用諸侯禮
交於中國故史從周制四夷大者稱子以紀事而孫氏
陳氏皆有與楚以伯之說蓋不知春秋辭從
主人而或以變文見義策書大體自若也

蔡從楚序

陳上

說見上

秦卿序宋卿上

成二盟蜀秦右大夫說序宋
華元上僖二十二會盟翟泉

秦人序陳蔡下者皆文以周班次之秦伯爵其臣不得
先侯國之卿也蜀盟起宋卿上者楚嬰齊主會崇其與
國以形勢
與諸侯也

十戰爭類

凡將尊師少稱將將卑師衆稱師將卑師少稱人將尊

師衆稱某帥師君將不言帥師

舉其重者此公羊傳例師
重與大夫等故蕪稱之今

考未經筆削之文若邾人鄭人伐宋晉師宋師衛甯殖
侵鄭之類知此例實得當時史法其君大夫將而稱師
稱人者皆筆削之法不入例趙伯循謂稱人以國者甚
衆將卑師少何能圍國蓋不知春秋所謂師者不可以
二千五百人為限經言帥師固非一師傳言師少非不
成師其曰師衆師少皆以成師而言將尊謂卿將卑謂
大夫之非卿者何以不能圍國也

凡聲罪致討曰伐潛師掠境曰侵

胡氏例本左氏傳例有鍾鼓曰伐無曰侵

而辭意稍備據春秋稱伐者或討其罪或求其成或
致其戰皆必鳴鍾鼓以警告之若侵則但務俘掠而已
如傳言鄭伯侵陳大獲之類是也凡經書圍書戰書取
書滅皆是伐國之事則侵伐之例左氏之說未可全非
也啖氏排之太過蓋不知鍾鼓之節在軍禮為尤重爾
狄師雖法不備亦不可謂無鍾鼓也

環而攻

之曰圍掩其不備曰襲以兵守之曰戍迎服曰降盡殺曰殲

凡兵破其國曰入

入郭入邑義同

夷其社稷曰滅

非國不言滅

微國

不絕其祀曰取

內取根牟郭外取舒皆微國不列于諸侯

不祥滅之者曰

亡非其有而奪之曰取

諸取田邑

受之於師曰取

濟西田汶陽田

凡戰稱將敗稱師

殺梁傅例重衆也

侵我稱人追稱師

人指將身追逐

其衆倍二十六

年殺梁傅例非

凡師敵未陳曰敗某師皆陳曰戰大崩曰敗績京師敗

績曰王師敗績于某

此左氏傳例今以經考之唯書敗例不合蓋筆削之後別有其義非

左氏所知說見變文篇

凡國君戰而死曰滅生得曰獲大夫生死皆曰獲君獲

君滅君敗績不言師敗績

晉侯蔡侯獻舞胡子沈子楚子舉其重者

唯大夫

兼言之

宋華元齊國書師重與大夫等

凡內師會伐君大夫將皆言會

以會禮合謀

唯微者言及

微者

各受成命于國故但言及如僖四及江人黃人伐陳則又同受命于伯主也宣七傳例曰凡師出與謀曰及不與謀曰會豈有為人出師而不與謀者劉氏譏其例與事違是也

欽定四庫全書

春秋左傳

三

凡會盟而後伐書及某伐某桓十會侵而後伐書遂伐

某僖四如京師而後會伐書自京師遂會某伐某成十三皆一役

再有事之辭

凡諸侯會天子伐罪言從啖氏曰不言會及臣從君之辭也

凡諸侯已伐國而王臣濟師但書會伐某單伯重序大

夫已出師而諸侯會之但書會某師凡與渠林卿不會公侯故舉師為重

凡戰以主及客以內及外以中國及外裔皆曰及某戰

公羊傳例伐人者為客被伐者為主孔氏曰今狝河曲彭衙長岸泓韓之屬皆以主及客也乾時升陘及鞏皆

魯與人戰以魯為主城濮鄆陵與邲外楚而內晉柏舉內蔡而外楚今案陸氏曰主人服則客不戰故戰由主人而成為主客恒法言之也若以內及外以中國及外裔則不得以受伐為主

內及伐言戰于

某

桓十一從內錄不得以受伐為主

苟會外裔伐中國而戰則從外辭

哀十一犬陵凡諸侯以兵屬外裔不書故會伐雖從內錄而戰則魯不序還以齊主之不以外裔先諸夏二義也皆通也

凡侵伐而不應但書侵伐

趙氏曰主人不出戰殺掠而還

侵伐而敗之

書其重者

荆敗蔡師于莘不書伐諸侯之師敗鄭徒兵不書敗之類

應而敗之但書

敗

不書侵伐以應兵見之

勝敗相當但書戰必敗績而後言伐言

戰言敗績

大崩當詳言其故凡不合者皆筆削之旨

非卿帥師不言敗績

凡中國與外裔不言戰

穀梁傳例如荆敗蔡師以蔡侯獻舞歸此戰也而不言戰又晉

每書敗伏不言戰

必外裔稱將稱師而後言戰

楚子會孟伐宋已稱爵泓戰稱

人經變文城漢稱楚師

凡徙國曰遷自遷曰某遷于某

衛遷帝丘

遷之而有其地曰

某人遷某

宿陽

雖有遷之者而不失其地文同自遷

邢許蔡

凡赴難曰救躡敵曰追用人之師曰以

凡背君曰叛民散曰潰

凡兵得曰俘

器物同

兵囚曰捷俘曰歸捷曰獻

凡外師加魯四竟曰某鄙直逼國都言伐我

凡師所止過信宿為次故案兵待事曰次君行所止曰

次

君行師從

無成事則書

如滑不成會雍榆不成救之類
匡為諸侯不親救餘可推之

土師田類

凡時田春曰蒐冬曰狩

本左氏傳春蒐夏苗秋獮冬狩
與周禮合不書苗獮者夏秋五

穀在野其禮略鮮過舉故史不書蒐狩禮倭而魯人每
假蒐擇之義以治兵講武故所書皆非時過禮之事

過常曰大蒐火田曰焚凡譏在狩書地

即非國內處
常狩之處譏不

在狩不書地

大野國內狩地杜氏曰古者民多地狹必於封內擇隙地為之傳曰鄭之有原圃猶

秦之有具

譏在公書公

狩即狩禘

譏不在公不書公

蒐大蒐經書邾

子來會公見公在不書

凡蒐軍曰大閱習武曰治兵

士興作類

凡城邑備制曰城不備制曰築

傳例非

圃曰築臺曰築館

曰築

凡木工曰作改制曰新作易舊曰新

凡脩舊不書故大室但書屋壞泮宮

公宮長府宜皆不志魯頌新廟僖公廟也閼宮有恤呂氏謂推本之辭是也

凡自毀曰壞故壞曰毀毀城曰墮

凡深川曰浚界田曰疆

圭賦稅類

凡師衆曰軍戰士曰甲制軍曰作毀軍曰舍

凡田租曰稅田財曰賦

本何氏

始稅曰初以田為率曰用

西內辭類

凡君舉必書

傳文如納幣親迎矢魚觀社之類

不成禮不書

不行即位禮不書即

位不成喪不書葬改葬惠公公弗臨不書衛侯來會葬不見公亦不書大夫不以卿禮終不書卒之類

公命不書

貴伯卿師城郎新作南門之類以上皆隱元年傳發不書之例實史例也陳氏誤以為筆

削之法非左氏本意

常事不書

公羊傳時祭常事不書時田常事不書與左氏凡祀過則書合蓋田

祭皆有常時常禮書之則不勝書必過禮而後書以防失禮戒踰節皆史法也公羊誤以為筆削之旨蓋不知夫子所脩乃魯史成書穀梁亦發親迎恒事不志之例蓋知昏姻有常事不書者而誤於親迎發例今考于經納幣不書使卿則書內女適大夫不書公自主則書內媵不與適俱行則書外媵踰制則書所謂常事不書不過此三事以其皆是常禮故也

非卿不書

下大夫名氏不登于策內

言其事如會曰會伐曰伐之類外距接我不書事不可沒但書人小國之卿與大國下大夫等故盟會征伐皆

書人必接我
然後書名氏

凡崩卒弔則書葬會則書

天王崩諸侯卒不弔不書崩卒不會葬不書葬二傳不

如此義遂為君弑賊不討不書葬之說歐陽公作五代史亦承以為例後世脩史為二傳所誤若此者多矣

葬外裔不書

葬當順彼臣子之辭吳楚僭王避其號不書莒用夷禮無謚不書同外裔

凡內諱弑書薨

夫人以罪殺同

未成君書卒奔曰孫

杜氏曰使若自孫位

而去諱殺大夫書卒公子殺曰刺

據周禮三刺小司寇以斷獄訟而已大司寇凡

諸侯之獄訟以邦典定之凡卿大夫之獄訟以邦法斷之春秋時皆專殺大夫在大司馬九法為犯令陵政故內變殺言刺以崇國體示恭順而外直斥殺以見其非則文雖為內諱而實不可掩矣

諱在外則

不書其事

宣七年傳曰晉人止公子會盟于黃父公不與盟以賂危故黑壤之盟不書辭之也成十年

公如晉晉人止公使送冀景公公送冀諸侯冀在晉人辱之故不書諱之也傳發此明皆魯史諱法其筆削亦有諱義然非史氏所及矣左氏亦不能明也啖氏曰諱者避辭言之示尊敬也今案辭有淺深有全沒其事者則諱其取也有但避其名者有辭雖諱而上下文猶有以見之者其事不可全沒也由說者一槩言之故不通

凡諸侯侵叛不書

為王室諱若衛師燕師伐周之類

外裔犯京師不書

為中國諱若揚拒泉臯伊洛之戎同伐京師之類當襄王之世無不告諸侯者

交質于雖內不

書

為世道諱事在成二年

凡內外恒異辭

內大夫直言名氏外大夫各繫其國唯王外微者稱人內微者直言其事之類

人則以內辭書之

書會伐書會書執書至書卒皆同內大夫不得外王朝言周啖趙不達此

義誤謂單伯為魯大夫

伯令則以內辭書之

城楚立城虎牢戍鄭虎牢戍陳書之一如內事

叔孫豹鄭世子如晉仲孫蔑衛孫林父會吳皆不言及以有伯令也楚丘不繫衛綠陵不繫杞虎牢不繫鄭取

濟西田不繫曹皆以伯令書

五從赴告類

凡王師令不及魯不書

隱元伐衛五年伐曲沃桓四圍魏之類成元年王人來告敗傳

於此始發例蔡衡陳從王伐鄭蓋三國具其事來告如隱九鄭人以王命來告伐宋也傳於隱桓之世每記王師唯此二處發來告之例明他皆不告也
伯主有事于諸侯令不及魯不書

僖九
傳例

凡諸侯有命告則書不然則否師出臧否亦如之雖及

滅國滅不告敗勝不告克不書于策

隱十一傳例據隱五邾人鄭人伐宋

入其郛宋人使來告命公欲救之以使者失辭而止九年鄭伯以王命伐宋宋以入郛之役怨公不告命公怒絕宋使傳發此以明不告之例也凡諸侯告命有恒此以宋好中絕發傳如鄭人以王命來告伐宋亦為告王命發傳爾唯僖五年春晉侯使以殺太子申生之故來告十一年晉侯使以平鄭之亂來告蓋欲見晉自獻公以來告命始通于魯凡僖以前傳所記晉事皆不見于經由晉不來告策書所無也又以見國君苟有討意於其臣子雖自殺以殺告故策書一以君殺書之雖用事者殺之亦以殺告故策書一以國殺志之凡莊以前傳

所記楚事不見于經者亦由不告也陳氏一切以為聖人所削非傳意明矣

凡崩薨不赴則不書禍福不告亦不書

文十四年傳例曰慙不殺也襄

二十八年十一月傳曰癸巳天王崩未來赴亦未書禮也例同杜氏曰奔亡禍也歸復福也

凡赴以往日者書往日

平

以來日者書來日

靈王齊桓公靈公

再赴而異日者再書之

陳侯鮑

不以時告者即告時書之

如成元年三月癸未王師敗績于徐吾氏秋王人來告敗史繫其事於秋僖四年冬十二月戊申晉太子緄于新城五年春來告史繫其事於春傳志此類甚多蓋欲見赴告策書之體晉惠公卒在僖二十三年九月史書在明年冬杜氏曰文公定位而後告又以僖九年九月戊辰諸侯盟于葵丘甲子晉侯從諸卒甲子九月十一

日戊辰十五日也又如成九年齊侯無野定四年陳侯吳皆以前月卒日繫來告之月書之可見策書日法之嚴

凡諸侯同盟死則赴以名赴以名則亦書之不然則否

傳二十三年傳例曰辟不敏也諸家皆不信此例以未同盟而書名者多也今考姻隣同姓諸大國相與者素厚當其身雖不同盟而皆赴以名所謂赴以名則亦書之謂未同盟也其他小國自得從禮唯秦先書名後不書名蓋其初不知赴告之法

凡諸侯之大夫違告於諸侯曰某氏之守臣某失守宗廟敢告所有玉帛之使則告不然則否

宣十年傳例據杜氏謂奔者恩

好不接則不告劉炫謂國家有王帛交好之國皆告非
指奔者之身今經所書列國大夫來聘出奔名氏具可
考而二家之說如此殊可怪也如蔡與曹
何嘗聘魯但通好命同會盟則皆告爾

凡弑君以賊赴者稱名氏苟國有臣子則稱弑者當國亦赴以名微者稱

人微謂非卿閹稱閹盜稱盜昭公四年閹弑吳子餘祭傳曰吳人伐越獲俘焉使守舟吳子

餘祭觀舟閹以刀弑之定公四年盜殺蔡侯申傳曰蔡
昭侯將如吳諸大夫恐其又遷也承公孫翩射而殺之

凡殺大夫以國討赴稱國僖十一年晉告殺平鄭父宣十
四衛告殺孔達例陳氏曰有

司法守之辭也凡書國殺者皆同衆殺稱人宋大夫
司馬討亂稱人陳御寇
公子過

晉先都殺篡弑者稱人非有司所能治必以
國人討之上討亂同

稱盜

衡齊豹雖開
當坐盜殺

共變例類

凡夫人有不赴不祔而稱夫人薨書葬小君者

哀姜僖公以齊

桓為魯討哀姜特請其喪歸備夫人禮以葬欲從厚以說齊史亦變文紀實

大夫卒有公不

與小斂而書曰者

禮有所不得行

葬有不由魯會而書者

齊侯葬紀

伯姬楚滅陳
葬陳哀公

來有不見公而書者

僖二十九年春介葛盧來公在會亦書者

魯人喜能來遠人特屢書之魯頌所夸淮夷獻琛即是其事可見時史之情

滅國有非公命

而書者

僖十七年滅項陳氏曰公猶在會非公命也案僖公雖在會滅項恐猶是公意自政在三家非公

命而書者多矣皆國史變法以紀魯君失政大夫擅國不可以常例拘也

外相如有來告而

書者

外相如本無來告得書之法齊鄭謀襲紀紀人懼而來告非實相朝州公如曹度其國危遂不復為

將來魯故以告馬此二者所以得書于策

獲有非卿而書者

宋樂呂齊公孫夏非卿不書公子友獲莒

子之弟挈傳曰非卿也嘉獲之也

亂亡有不由赴告而書者

僖二十一年冬會陳人蔡人楚

人鄭人盟于齊梁亡昭二十二年六月叔鞅如京師葬景王王室亂傳曰叔鞅至自京師言王室之亂也蓋國史承叔鞅之言而書知書梁亡亦是此例蓋大夫會于齊于會聞之歸以告公公命國史書之以其不由赴告故但言亂而不言作亂者言亡而不言見滅之人亦辟不敏之意魯君唯僖公稱賢知閔亡國而錄之爾

外災有國亡而書

者昭八年楚滅陳九年春叔弓會楚子于陳夏四月書陳災時楚已縣陳必不以陳災告蓋叔弓反自陳言其事而書之

七無費辭類

凡一事再見前目後凡前序諸侯則後總言諸侯

僖十三年公

會齊侯宋公陳侯衛侯鄭伯許男曹伯于鹹十四年春諸侯城緣陵二十八公會晉侯齊侯宋公蔡侯鄭伯陳子莒子邾人秦人于
溫諸侯遂圍許之類
大夫曰諸侯之大夫
僖十五年公孫侯之大夫救徐襄三十叔孫豹及諸侯之大夫及陳袁僑盟
唯師從其恒稱
僖元年齊師宋師曹師城郕

凡一事再見卒名之

宣元年公羊傳例逆女稱公子遂叔孫僑如以夫天至但稱遂稱僑如

會稱叔孫豹盟但稱豹之類

有蒙上文者

隱五年冬宋人伐鄭圍長葛六年冬宋人取長葛間

一年不言鄭蒙伐鄭之文桓五年州公如曹六年春正月寔來昭六年冬齊侯伐北燕七年春王正月暨齊平此二事皆以正月無異事得蒙前年冬文桓十一年九月宋人執鄭祭仲突歸于鄭莊二十四年戎侵曹曹羈出奔陳赤歸于曹不言鄭突曹赤蒙上文鄭曹見是一事莊九年公伐齊納子糾不言齊糾僖二十八年晉侯入曹執曹伯畀宋人不別言晉侯亦同僖八年禘于大廟用致夫人蒙上文夫人薨葬我小君哀姜從可知二十一年楚人使宜申來獻捷不言宋捷蒙上文伐宋為中國諱也若齊侯獻戎捷則直書之成三年晉使荀庚來聘衛使孫良夫來聘下及荀庚

有併上文者 鄭伯死孫良夫盟不言晉衛餘可類推

有併上文者 碩如曹未見諸侯卒于鄭不言鄭伯死碩卒併上鄭伯且見以如會卒吳子遇伐楚門于巢卒不言吳子遇卒于巢併上吳子且見

有併下文者 僖元年秋夫人姜氏薨于夷以門巢卒

齊人以歸不言以喪歸者為

下文夫人氏之喪至自齊者文也文十四年納捷菑于邾孔氏曰不言邾捷菑者下有于邾之文凡諸侯卒于外書地于會書師僖四會伐楚次于郟夏許男新臣卒應言卒于師茲不言卒于師者以下文楚屈完來盟于師從可知曰許男卒為下文于師之詞也

凡盟會以國地者國主不序

桓十四會曹僖十九盟齊二十盟邢皆國主與盟會

不復序從可知也唯隱五盟宿杜氏云宿亦與盟案宿乃東平無鹽之小邑也無與于宋魯之故何為例之盟會故說者不取僖二十七年公會諸侯盟于宋宋方見圖雖地以宋不與與盟

凡微者雖有諸侯之事不序

會于宋邾滕與會而屬齊宋雖有諸侯之事亦不序

也其人

凡諸侯以兵屬夷狄不序

僖二十八年城濮之戰蔡陳以兵從楚不見經成二年蜀之盟

楚公子嬰齊帥師蔡景公為左許靈公為右二君失位亦不見經下逮吳伐齊鄭子邾子之類皆是餘可推類

凡美惡不嫌同辭

凡以國事行稱會夫人以姦出亦稱會諸小國來朝書來四裔來朝亦書

來衛晉繼故言立王子朝篡位亦言立皆美惡同辭之文

十辭費以其故類

凡不雨歷時總書則不言雨

文二文十三及得雨而後書從此可知

每時

一書則言雨

僖二三徒以告廟書不言六月雨則不見其歷時不雨

凡不郊猶三望言免牲不言不郊

從可知

間有事言不郊

為三望言故言牛死言不郊牛陽得再卜

凡復之曰歸某于某歸邾于邾致之曰歸于某晉侯執曹伯歸于京

師晉人執戎蠻子赤歸于楚不以道致之曰歸之于某晉人執衛侯歸之于京師晉侯

使韓穿來言汶陽之田歸之于齊晉文公再會諸侯致天子專復衛侯釋曹伯乃以元咺之訢執衛侯歸于京師晉景公葬之戰命齊人反魯汶陽之田既與齊好又使魯歸汶陽之田于齊故皆言歸之于者明其歸之不

以道也

凡會而後盟閒有事書諸侯盟于某襄十九祀柯二十五重丘定四年廂

閒無事不書諸侯成七年馬陵十七柯陵襄九年十一亳城北昭十三平丘有不盟

者雖間無事書諸侯盟于某僖五無主盟者書公及諸

侯盟于某

定四
舉題

凡會盟同地則地會地盟僖九雖間無異事地會地盟

僖五首止昭十三苟諸侯會而大夫盟則地會不地盟

襄三雞澤十六梁必大夫自為會而盟則地會地盟

襄二十七宋大夫公特會楚大夫又及列國大夫盟則

地會地盟成二蜀會
盟異事

凡使不稱介

僖二十六東門襄仲臧文仲如楚乞師
杜氏曰臧文仲為襄仲副使故不書

各

以事行則列序之

文十八公子遂叔孫得臣定六年孫斯仲孫何忌

會志親事

襄二十一年會城杞傳鄭子大叔與伯石往杜註大叔不書不親事昭三十二會城成周魏獻子屬役于韓簡子

原壽過故魏舒不書

並列于會則列序之

襄十四年孫宿叔老哀二叔孫州仇仲孫何忌

將書元帥

襄元晉韓厥荀偃帥諸侯之師伐鄭杜註荀偃不書非元帥定八年齊國夏高彘伐我西鄙

高彘不書

唯內卿悉書之

成二年孫行父臧孫許叔孫僑如公孫嬰齊成六年仲孫蔑叔孫僑如

昭十年孫孫遠如叔弓仲孫懷定六年孫斯仲孫何忌定八年孫斯仲孫何忌定十年叔孫州仇仲孫何忌再見哀

二年孫斯叔孫州仇又叔孫州仇仲孫何忌

凡卿從公不書

成公從京師孟獻子從襄公如晉孟獻子從會伐鄭季武子從如楚叔孫穆子

從之類

苟有故則書之

公孫敖帥師及諸侯之大夫救徐
晉人執季孫行父舍之于莒丘叔

孫豹及諸侯之大夫及陳袁
僑盟公子慙出奔齊之類

凡君將不言帥師敗則稱師


凡常事不書

公穀例如昏姻時
祀時田有常禮

為下事言故則書之

為

遂盟書冬燕為再燕書有事為仲遂卒猶繹書為叔
弓卒去樂書衛人來媵晉人來媵為下齊人來媵書



春秋屬辭卷十五